

春秋左氏經傳集解增註

十三四


六



漢書門類			
八	三	四	七
一	六	三	號
二	一	函	架
冊			

內閣文庫			
八	三	四	七
一	六	三	號
二	一	函	架
冊			

內閣文庫	
番號	漢 8347
冊數	12 ( 6 )
函號	274 136





春秋左傳杜注卷第十三

成公

淺草文庫  
華亭姚培謙學

經十有一年春王三月公至自晉正月公在晉不書諱見止○晉侯

使郤欒來聘己丑及郤欒盟郤欒郤克從父兄弟○夏季孫行

父如晉○秋叔孫僑如如齊○冬十月

傳十一年春王三月公至自晉晉人以公為貳於

楚故止公公請受盟而後使歸前年七月公如晉弔至是乃得歸

○郤欒來聘且涖盟公請受盟故使大夫來臨之聲伯之母不聘聲伯

春秋左傳杜注卷第十三

成公

之母叔胖之妻不聘無媒禮 穆姜曰吾不以妾為昆弟之妻相謂為姒穆姜宣公夫人宣公叔胖

同母昆弟 生聲伯而出之嫁於齊管于奚生二子而寡以

歸聲伯聲伯以其外弟為大夫外弟管于奚之子為魯大夫 而嫁其

外妹於施孝叔孝叔魯惠公五世孫 邵犢來聘求婦於聲伯聲

伯奪施氏婦以與之婦人曰烏獸猶不失儷儷耦也儷方計反

子將若何曰吾不能死亡言不與邵犢婦懼能忿致禍 婦人遂行生

二子於邵氏邵氏亡晉人歸之施氏施氏逆諸河

沈其二子沈之於河沈直陰反 婦人怒曰已不能庇其伉儷而

亡之伉敵也伉苦浪反 又不能字人之孤而殺之字愛也 將何以

終遂誓施氏約誓不復為之婦也傳言邵犢淫縱所以亡也

○夏季文子如晉報聘且涖盟也邵犢文子父盟魯晉之君其意一也故但書來

盟舉重畧輕

○周公楚惡惠襄之偪也惠王襄王之族 且與伯與爭政伯與周卿

士與音餘本亦作與 不勝怒而出及陽樊陽樊晉地 王使劉子復之盟

于鄆而入三日復出奔晉王既復之而復出所以自絕于周為明年周公出奔傳鄆周邑鄆音絹

○秋宣伯聘于齊以脩前好鞏以前之好

○晉郤至與周爭鄆田鄆溫別邑今河內懷縣西南有鄆人亭鄆音候今在河南懷慶府武陟縣

王命劉康公單襄公訟諸晉郤至曰溫吾故也故

不敢失言温郤氏舊邑劉子單子曰昔周克商使諸侯撫封

各撫有其封內之地蘇忿生以温為司寇與檀伯達封于河蘇忿生周

武王司寇蘇公也與檀伯達俱封于河內檀周邑今在懷慶府蘇氏即狄又不能於狄而奔

衛事在僖十年襄王勞文公而賜之温在僖二十五年勞去聲狐氏陽氏

先處之狐溱陽處父先食温地而後及子若治其故則王官之邑

也子安得之晉侯使郤至勿敢爭傳言郤至貪所以亡

○宋華元善於令尹子重又善於欒武子聞楚人

既許晉糴穀成而使歸復命矣在往年久華元如楚遂

如晉合晉楚之成為明年盟宋西門外張本

○秦晉為成將會于令狐晉侯先至焉秦伯不肯

涉河次于王城使史顛盟晉侯于河東史顛秦大夫穎苦果反晉

郤欒盟秦伯于河西就盟王城范文子曰是盟也何益齊

盟所以質信也齊一心質成也會所信之始也始之不從其

可質乎秦伯歸而背晉成為十三年伐秦傳

經十有二年春周公出奔晉○夏公會晉侯衛侯

于瑣澤瑣澤地關○秋晉人敗狄于交剛交剛地關○冬十月

傳十二年春王使以周公之難來告周公奔在前年書曰周

公出奔晉凡自周無出周公自出故也天子無外故奔者不言出周公

為王所復而自絕於  
周故書出以非之

○宋華元克合晉楚之成終前夏五月晉士燮會楚

公子罷許偃二子楚大夫罷音皮癸亥盟于宋西門之外曰凡

晉楚無相加戎好惡同之同恤蓄危備救凶患若

有害楚則晉伐之在晉楚亦如之交贄往來道路

無壅贄幣也謀其不協而討不庭討背叛不來在王廷者有渝此盟明

神殛之殛誅也俾隊其師無克胙國俾使也隊失也。胙才故反。報也隊失其眾無能享國家

鄭伯如晉聽成聽猶受也晉楚既成鄭往受命會于瑣澤成故也晉既與楚

成合諸侯以申成好。成傳事實與經不合。

○狄人聞宋之盟以侵晉而不設備秋晉人敗狄

于交剛剛。間去聲

○晉卻至如楚聘且涖盟楚子享之子反相為地

室而縣焉縣鐘鼓也。縣音懸卻至將登登堂金奏作於下擊鐘而奏樂

驚而走出子反曰日云莫矣寡君須矣吾子其入

也賓曰君不忘先君之好施及下臣既之以大禮

重之以備樂既賜也。施以鼓反如天之福兩君相見何以代

此下臣不敢言此兩君相見之禮子反曰如天之福兩君相見

無亦唯是一矢以相加遺焉用樂言兩君戰乃相見無用此樂。遺去聲寡

君須矣吾子其入也賓曰傳諸交讓得賓主辭者多曰賓主以明之若讓之以

一矢禍之大者其何福之為世之治也諸侯閒於

天子之事則相朝也王事閒缺則脩私好。閒音開注同於是乎有享宴

之禮享以訓共儉享有體薦設八而不倚爵盈而不飲肴乾而不食所以訓共儉宴以示慈

惠宴則折俎相與共食共儉以行禮而慈惠以布政政以禮成

民是以息百官承事朝而不夕不多言無事。朝直遙反。且見君謂之朝夕見君謂之夕

此公侯之所以扞城其民也扞蔽也言享宴結好鄰國所以蔽扞其民。扞戶旦反。蔽扞其

民若如城然故云所以扞城其民故詩曰赳赳武夫公侯干城詩周南之風赳赳武貌干

扞也言公侯之與武夫止于扞難而已。孔疏詩言免置之人亦是賢者其人乃是赳赳然雄武之夫與公侯共扞城其民引詩之意言世治無事公侯

之與武夫設共儉慈惠之禮與人扞難而已不侵伐他國也及其亂也諸侯貪冒侵欲不

忌爭尋常以盡其民八尺曰尋倍尋曰常言爭尺寸之地以相攻伐略其武夫以

為已腹心股肱爪牙畧取也言世亂則公侯制禦武夫以從也志使侵害鄰國為搏噬之用無已故

詩曰赳赳武夫公侯腹心舉詩之正以駁亂義詩言治世則武夫能合德公侯外為扞城內制其腹

心。孔疏人心本貪縱之則害物美公侯能以武夫制已腹心自守扞難而已不言人也天下有道則公侯能

為民干城而制其腹心亂則反之畧其武夫以為已腹心爪牙今吾

子之言亂之道也不可以為法然吾子主也至敢

不從遂入卒事歸以語范文子文子曰無禮必食

言吾死無日矣夫言晉楚不能久和必復相伐為十六年鄢陵戰張本冬楚公子罷如

春秋左傳卷之三

成公

五

晉聘且涖盟報卻至十二月晉侯及楚公子罷盟于赤

棘晉地

經十有三年春晉侯使卻錡來乞師將伐秦也侯伯當召兵而乞師謙辭錡

魚結○三月公如京師伐秦道過京師因朝王夏五月公自京師遂

會晉侯齊侯宋公衛侯鄭伯曹伯邾人滕人伐秦

曹伯盧卒于師五同盟○盧公穀作盧秋七月公至自伐秦無傳○

冬葬曹宣公

傳十三年春晉侯使卻錡來乞師將事不敬將事致君命

孟獻子曰卻氏其亡乎禮身之幹也敬身之基也

卻子無基幹以樹木為喻基以牆屋為喻且先君之嗣卿也受命以

求師將社稷是衛而惰弃君命也不亡何為卻錡卻克子故

曰嗣卿為十七年晉殺卻錡傳

○三月公如京師宣伯欲賜欲王賜已請先使王以行人

之禮禮焉不加厚○使去聲孟獻子從王以為介而重賄之

介輔相威儀者獻子相公以禮故王重賜之○從去聲公及諸侯朝王遂從劉康公成

肅公會晉侯伐秦劉康公于季子劉成二公不書兵不加秦成子受脤于社不

敬脤宜社之肉也盛以脤器故曰脤宜出兵祭社之名○脤市軫反劉子曰吾聞之民受天地

之中以生所謂命也是以有動作禮義威儀之則

以定命也。能者養之以福。養威儀以致福。按養之以福當作養之以福。不能者

敗以取禍。是故君子勤禮，小人盡力，勤禮莫如致

敬，盡力莫如敦篤。敬在養神。養其神明之舍。篤在守業。國

之大事，在祀與戎。祀有執爓。爓，祭肉。爓音煩。戎有受脤。神

之大節也。交神之節。今成子情，弃其命矣。情則失中，和之氣。其不

反乎？為成肅公卒于瑕，張本。

○夏四月戊午，晉侯使呂相絕秦。呂相魏錡子蓋口，宣已命。相去聲。曰：

昔逮我獻公及穆公，相好戮力同心，申之以

盟誓，重之以昏姻。穆公夫人，獻公之女。天禍晉國，文公如齊，惠

公如秦。辟驪姬，不言狄。梁舉所恃大國。無祿，獻公即世，穆公不忘舊

德，俾我惠公用能奉祀于晉。僖十年，秦納惠公。又不能成大

勳而為韓之師。僖十五年，秦伐晉，獲惠公。亦悔于厥心，用集我文公

也。集成。是穆之成也。成功于晉。文公躬擐甲冑，跋履山川。草行為跋，擐音患。

踰越險阻，征東之諸侯，虞夏商周之胤，而朝諸秦。

則亦既報舊德矣。鄭人怒君之疆場，我文公帥諸

侯及秦圍鄭。晉自以鄭貳于楚，故圍之，鄭非侵秦也。晉以此誣秦，事在僖三十年。場音亦。秦大夫不

詢于我寡君，擅及鄭盟。詢，謀也。盟者，秦伯謙言大夫。諸侯疾之，將致

命于秦。致死命而討秦，時無諸侯蓋諸侯遙致此意。文公恐懼，綏靜諸侯，秦師

春秋左傳卷之三

成公

七



克還無害則是我有大造于西也造成也言晉有成功于秦無祿文

公即世穆為不弔不見弔傷茂死我君寡我襄公寡弱也。孔疏輕茂文公

以為死無知矣謂襄公寡弱而陵忽之迭我殺地奸絕我好伐我保城殄滅

我費滑伐保城誣之費滑滑國都于費今緱氏縣。迭直結反費扶味反。奸音干緱氏故城在今河南河南府偃師縣南二十里散

離我兄弟撓亂我同盟滑音同姓。撓乃卯反傾覆我國家我襄

公未忘君之舊勲納文公之勲。覆享服反下司而懼社稷之隕是以

有殺之師在僖三十三年猶願赦罪于穆公晉欲求解於秦穆公弗聽

而即楚謀我天誘其衷成王隕命秦使鬬克歸楚求成事見文十四年文元年楚

弑成王穆公是以不克逞志于我逞快也穆襄即世康靈即

位文六年晉襄秦穆皆卒康公我之自出晉外甥又欲闕翦我公室傾

覆我社稷帥我螫賊以來蕩搖我邊疆螫賊食禾稼蟲名謂秦納公子

雅。闕其月反螫莫侯反。釋蟲云食根螫食節賊我是以有令狐之役在文七年康猶不

悛入我河曲悛改也。悛七全反伐我涑川俘我王官涑水出河東聞喜縣西南

至蒲坂縣入河。涑音速。今山西平陽府蒲州東北二十六里有涑水城翦我羈馬我是以有河

曲之戰在文十二年東道之不通則是康公絕我好也言康

絕故不復東通晉及君之嗣也君秦桓公我君景公引領西望曰庶

撫我乎望秦撫恤晉君亦不惠稱盟不肯稱晉望而共盟。稱去聲利吾有狄

難謂晉滅潞氏時入我河縣焚我箕郛芟夷我農功夷傷也虔劉

我邊垂虔劉皆殺也我是以有輔氏之聚聚衆也在宣十五年君亦悔禍

之延延長也而欲徼福于先君獻穆晉獻秦穆使伯車來命我

景公伯車秦桓公子曰吾與女同好弃惡復脩舊德以追念

前勲言誓未就景公即世我寡君是以有令狐之

會令狐會在十一年申屬公之命宜言實又稱君讓也君又不祥祥善也背弃盟誓白狄

及君同州及與也君之仇讎而我之昏姻也季隗廣谷如赤狄之女也白狄

伐而獲之納諸文公君來賜命曰吾與女伐狄寡君不敢顧昏

姻畏君之威而受命于吏君有二心於狄曰晉將

伐女狄應且僧是用告我言狄雖應答秦而心實憎秦無信楚人惡君

之二三其德也亦來告我曰秦背令狐之盟而來

求盟于我昭告昊天上帝秦三公楚三王三公穆康共三王成穆莊

曰余雖與晉出入出入猶往來余唯利是視不穀惡其無

成德是用宣之以懲不壹諸侯備聞此言斯是用

痛心疾首暱就寡人疾亦痛也暱親也寡人帥以聽命唯好

是求君若惠顧諸侯矜哀寡人而賜之盟則寡人

之願也其承寧諸侯以退承君之意以寧靜諸侯豈敢徼亂徼要也君

若不施大惠寡人不佞其不能以諸侯退矣敢盡

布之執事俾執事實圖利之俾使也秦桓公既與晉厲

公為令狐之盟而又召狄與楚欲道以伐晉諸侯是以睦於晉晉辭多誣秦故傳據此三事以正秦罪晉欒書將中軍荀庚佐

之庚代荀首士燮將上軍代荀庚卻錡佐之代士燮韓厥將下軍代卻錡

荀瑩佐之代趙同趙旃將新軍代韓厥卻至佐之代趙同卻毅御

戎欒鍼為右卻毅卻至弟欒鍼孟獻子曰晉帥乘和師

必有大功帥軍帥乘車士○乘去聲五月丁亥晉師以諸侯之師及

秦師戰于麻隧秦師敗績獲秦成差及不更女父

不更秦爵戰敗績不書以為晉直秦曲則韓役書戰時公在師復不須告克獲有功亦無所諱蓋經文闕漏傳文獨存○差初宜反更音庚女音汝○麻隧在陝西西安府涇陽縣西南曹宣公卒于師師遂濟涇及侯麗而還

涇水出安定東南經扶風京兆高陵縣入渭也○麗平聲漢志涇水出開頭山在今陝西平涼府西南三十里侯麗劉伯莊云在涇陽縣境晉侯于新楚逐也既戰晉侯止新楚故師還過迎之麻隧侯麗新楚皆秦地○逐五嫁反新楚當在西安府同州朝邑縣境

成肅公卒于瑕終劉子之言瑕晉地

○六月丁卯夜鄭公子班自訾求入于大宮不能

殺子印子羽訾鄭地大宮鄭祖廟十年班出奔許今欲還為亂子印子羽皆穆公子○大音泰反軍于

市己巳子駟帥國人盟于大宮子駟穆公子遂從而盡焚

之焚燒也○子駟既盟國人遂從公殺子如子駘孫叔孫知子如子班之子駘班弟孫叔子如子孫知子駘子○駘武邦反

○曹人使公子負芻守使公子欣時逆曹伯之喪

二子皆曹秋負芻殺其犬子而自立也宣公諸侯乃請

討之晉人以其役之勞請侯他年冬葬曹宣公既

葬子臧將亡子臧公國人皆將從之不義負成公乃懼

成公告罪且請焉請留乃反而致其邑還邑于成公為十

經十有四年春王正月莒子朱卒無傳九年盟于蒲○莒

作也子密州嗣○夏衛孫林父自晉歸于衛晉納之○秋

叔孫僑如如齊逆女成公逆夫人最為得禮而○鄭公子喜

帥師伐許○九月僑如以夫人婦姜氏至自齊○

冬十月庚寅衛侯臧卒五同○秦伯卒無傳二年大夫盟於

隱七年○秦桓公也史失其名

傳十四年春衛侯如晉晉侯強見孫林父焉林父以七年

見欲歸之○強其丈定公不可夏衛侯既歸晉侯使卻犇

送孫林父而見之衛侯欲辭定姜曰不可定姜定是

先君宗卿之嗣也同姓之卿○孫氏出于大國又以為請

不許將亡雖惡之不猶愈於亡乎君其忍之遠大國

故亡安民而宥宗卿不亦可乎衛侯見而復之復林衛

侯饗苦成叔成叔甯惠子相相佐禮惠苦成叔傲甯子

曰苦成家其亡乎古之為享食也以觀威儀省禍

福也故詩曰兕觥其觶旨酒思柔

詩小雅言君子好禮飲酒皆思柔德雖設兕觥

觶然不用以兕角為觶所以罰不敬觶陳設之貌。食音嗣觶古橫反觶音蚪

彼交匪傲萬福來求

彼之交于

事而不情傲乃萬福之所求

今夫子傲取禍之道也

為十七年郤氏亡

○秋宣伯如齊逆女稱族尊君命也

○八月鄭子罕伐許敗焉

為許所敗

戊戌鄭伯復伐許庚

子入其郛

郭郭也

許人平以叔申之封

四年鄭公孫申疆許曰許人敗之不得定其封

疆今許以是所封田求和於鄭

○九月僑如以夫人婦姜氏至自齊舍族尊夫人

舍族謂不稱叔孫。劉氏敬曰一事而再見者卒名之也此春秋之常爾非為尊君命故舉氏尊夫人故舍族也

故君子曰

春秋之稱微而顯

辭微而義顯。稱去聲

志而晦

志記也晦亦微也謂約言以記事事敘而文微

婉而成章

婉曲也謂曲屈其辭有所辟諱以示大順而成篇章

盡而不汙

謂直言其事盡其事實無所汙曲

汙憂于反

懲惡而勸善

善名必書惡名不滅所以為懲勸

非聖人誰能脩之

策成此五者

○衛侯有疾使孔成子甯惠子立敬如之子衎以

為大子

成子孔達之孫敬如定公妾衎獻公

冬十月衛定公卒夫人姜氏

既哭而息見大子之不哀也不內酌飲歎曰是夫

也將不唯衛國之敗其必始於未亡人

定姜言獻公行無禮必從已始

下言暴妻使余是也。內音納

烏呼天禍衛國也夫吾不獲鱗也使主

社稷縛衍之母弟大夫聞之無不聳懼孫文子自是不

敢舍其重器於衛寶器也盡寘諸戚寘置也戚孫氏邑而其善

晉大夫備亂起欲以為援為襄十四年衛侯出奔傳

經十有五年春王二月葬衛定公無傳○三月乙巳

仲嬰齊卒無傳襄仲子公孫歸父弟宣十八年逐東門氏既而又使嬰齊紹其後曰仲氏○劉氏炫曰仲遂受賜為仲氏故其子孫

稱仲氏爾○癸丑公會晉侯衛侯鄭伯曹伯宋世子成齊

國佐邾人同盟于戚晉侯執曹伯歸于京師不稱人以執者

曹伯罪不及民歸之京師禮也○胡傳稱侯以執伯討也公至自會無傳○夏六月宋公固

卒四同○楚子伐鄭○秋八月庚辰葬宋共公三月而葬速

○宋華元出奔晉宋華元自晉歸于宋華元欲挾晉以自重故以外納

告宋殺其大夫山不書氏明背其族宋魚石出奔楚公子日夷之曾孫

○冬十有一月叔孫僑如會晉士燮齊高無咎宋

華元衛孫林父鄭公子鮒邾人會吳于鍾離吳夷末嘗與中

國會今始來通晉帥諸侯大夫而會之故殊會明本非同好鍾離楚邑淮南

縣○鮒音秋○鍾離今臨淮鳳陽二縣地屬江南鳳陽府程子曰吳益疆大

求會于諸侯諸侯之眾往而從之故書諸國往與之會也○許遷于葉許畏鄭南依楚故以自遷為文葉今南陽葉縣也○葉舒

涉反○今葉縣屬河南南陽府裕州

傳十五年春會于戚討曹成公也討其殺犬子而自立事在十三年執

而歸諸京師書曰晉侯執曹伯不及其民也惡不及民○林

氏堯叟曰左氏謂曹成公惡不及民例不稱人以執愚按稱晉侯執曹伯此為討罪特書不可以例為拘凡君不道於其

民諸侯討而執之則曰某人執某侯稱人示眾所欲執不然

則否謂身犯不義者諸侯將見子臧於王而立之子臧辭曰

前志有之曰聖達節聖人應天命不拘常禮次守節謂賢者下失節愚

妄為君非吾節也雖不能聖敢失守乎遂逃奔宋

○夏六月宋共公卒為下宋亂起

○楚將杜師鄭侵子囊曰新與晉盟而背之無乃不

可乎子反曰敵利則進何盟之有晉楚盟在十二年子囊莊王子公子貞申

叔時老矣在申老歸本邑聞之曰子反必不免信以守禮

禮以庇身信禮之亡欲免得乎言不楚子侵鄭及暴

隧周圻內之邑是時為鄭所有遂侵衛及首止鄭子罕侵楚取新石

新石楚邑當在河南南陽府裕州葉縣境欒武子欲報楚韞獻子曰無庸庸用也

使重其罪民將叛之背盟數戰罪也無民孰戰為明年晉敗楚於鄢陵傳

○秋八月葬宋共公於是華元為右師魚石為左

師蕩澤為司馬蕩澤公孫壽之孫華喜為司徒華父督之立孫公孫師

為司城孫向為人為大司寇鱗朱為少師寇鱗向

箒為大宰魚府為少宰蕩澤弱公室殺公子肥輕公室以

為弱故殺其枝黨肥文公子華元曰我為右師君臣之訓師所

司也。今公室卑而不能正。不能討吾罪大矣。不能治

官敢賴寵乎。乃出奔晉。二華戴族也。華元司城莊族

也。六官者皆桓族也。魚石蕩澤向為人鱗朱魚石將止華

元。魚府曰。右師反。必討。是無桓氏也。恐華元還討蕩澤并及六族魚

石曰。右師苟獲反。雖許之討。必不敢。言畏桓族強且多大

功。國人與之。不反。懼桓氏之無祀於宋也。華元大功克合晉楚之成

劫子反以免宋圍。右師討猶有戍在。華元必不討。戍音恤。桓

氏雖亡。必偏。偏不盡魚石自止華元于河上。請討。華元請討蕩

澤許之。乃反。使華喜公孫師帥國人攻蕩氏。殺子

山。喜師非桓族故使攻之。子山即蕩澤。書曰。宋殺其大夫山。言背其族也。

蕩氏宋公族還害公室故去族以示其罪。按傳稱華元奔晉未至而復經何

以書自晉歸于宋也。公羊何氏休注云。宋公卒。子幼華元以憂國為大夫。山

所譖出奔晉。晉人理其罪。宋人反華元誅山其說與經文合疑必有所受矣。又按山不書氏當是從史文略耳。謂去族示罪亦非。魚石向

為人鱗。朱向幣。魚府出舍於睢上。睢水名。五大夫畏同族罪及將出奔。睢音雖

華元使止之。不可。冬十月。華元自止之。不可。乃反。五子不止。華元還

魚府曰。今不從。不得入矣。不得復入宋右師視速

而言疾。有異志焉。若不我納。今將馳矣。登邱而望

之。則馳騁而從之。五子亦馳逐之。則馳絕句。則決睢。滋。滋水涯。決壞也。閉門

登陴矣。左師二司寇二宰遂出奔楚。四大夫不書。獨魚石告。汪氏克寬曰。蓋



魚石首惡舉重而書之餘不足紀華元使向戌為左師老佐為司馬樂

裔為司寇以靖國人老佐戴公五世孫裔以制反

○晉三卻害伯宗三卻卻錡卻至卻擊譖而殺之及欒弗忌欒弗忌

伯州犂奔楚伯宗韓獻子曰卻氏其不免乎善人

天地之紀也而驟絕之不亡何待既殺伯宗又及弗忌故曰驟也為十七年晉殺

初伯宗每朝其妻必戒之曰盜憎主人民惡其

上好直言必及於難傳見雖婦人之言不可廢

○十一月會吳于鍾離始通吳也始與中國接

○許靈公畏偃于鄭請遷于楚辛丑楚公子申遷

許于葉

經十有六年春王正月雨木冰無傳記寒過節冰封著樹公羊傳雨而未冰也著直略

反孔疏正月今之仲冬未是盛寒雨下即著樹為冰記寒甚之過其節度朱子曰上温故雨而不雪下冷故著木而冰 ○夏四月

辛未滕子卒不書名未同盟 ○鄭公子喜帥師侵宋喜穆公子子罕也

○六月丙寅朔日有食之無傳 ○晉侯使欒黶來乞

師將伐鄭欒黶書子。鷹於玷反 ○甲午晦晉侯及楚子鄭伯戰于鄆

陵楚子鄭師敗績楚師未大崩楚子傷目而退故曰楚子敗績鄆陵鄭地今屬潁川郡。鄆陵與鄆一地也注詳

楚殺其大夫公子側側子反背盟無禮卒以敗

師故書名。汪氏克寬曰楚審躬臨戰陳致敗乃歸咎於司馬側而殺之亦異于秦穆之不替孟明者矣傳稱王使止之蓋亦偽耳嬰齊身為令尹以將

左軍與側相惡使敵國謀臣知其莫有闕心而委罪於側何耶春秋稱國以殺不去其官著楚君大臣之失也 ○秋公會晉侯

齊侯衛侯宋華元邾人于沙隨沙隨宋地梁國寧陵縣北有沙隨亭今沙隨城在河

歸德府寧陵縣西六里 不見公不及鄆陵戰故不諱者恥輕於執也程子曰晉怒公之後期故不見公君子正己而無恤乎人魯之後期因

難故也晉不見為非矣 公至自會無傳 ○公會尹子晉侯齊

國佐邾人伐鄭尹子王卿士子爵 ○曹伯歸自京師為晉侯所赦故書歸諸侯

歸國或書名或不書名或言歸白 某或言自某歸無傳義例從告辭 ○九月晉人執季孫行父舍

之于莒邱莒邱晉地舍之莒邱明不以歸不稱行人非使人也莒音條 ○冬十月乙亥叔

孫僑如出奔齊公未歸命國人逐之高氏閔曰季孫得釋將與公皆歸故僑如懼罪而出奔 十有二

月乙丑季孫行父及晉卻犇盟于扈晉許魯平故盟 公至自

會無傳伐而以會致史異文 乙酉刺公子偃魯殺大夫皆言刺義取於周禮三刺之法

傳十六年春楚子自武城使公子成以汝陰之田

求成于鄭汝水之南 鄭叛晉子駟從楚子盟于武城

為晉伐鄭起 ○夏四月滕文公卒 ○鄭子罕伐宋滕宋之與國鄭因滕有喪而伐宋故傳舉

滕侯卒侵伐經傳異文經從告傳言實他皆放此 ○高氏閔曰鄭至是附楚為楚加兵於宋故書侵

諸洧陂敗鄭師也樂懼戴公六世孫將鉏樂氏族洧音酌陂彼宜反 退舍於夫渠不徹宋師不徹

備夫 鄭人覆之敗諸洧陵獲將鉏樂懼宋恃勝也

音扶 洧陂夫渠洧陵皆宋地 ○覆扶又反 ○今歸德府寧陵縣南二十五里有洧陵城

成公

○衛侯伐鄭至于鳴鴈為晉故也鳴鴈在陳留雍邱縣西北。後漢志雍邱有鳴鴈亭。今白雁亭在杞縣北四十里屬河南開封府。

○晉侯將伐鄭范文子曰若逞吾願諸侯皆叛晉

可以逞逞快也。晉厲公無道三郤驕故。欲使諸侯叛冀其懼而思德。若唯鄭叛晉國之憂

可立俟也樂武子曰不可以當吾世而失諸侯必

伐鄭乃與師樂書將中軍士燮佐之代晉郤錡將上

軍代上荀偃佐之荀偃韓厥將下軍郤至佐新軍

荀偃居守荀息居守荀息如齊皆乞師焉樂

荀息居守荀息居守荀息如齊皆乞師焉樂

荀息居守荀息居守荀息如齊皆乞師焉樂

荀息居守荀息居守荀息如齊皆乞師焉樂

厲公之師孟獻子曰有勝矣卑謙有禮故戊寅晉師起

鄭人聞有晉師使告于楚姚句耳與往句耳與往

歸張本。句古。侯反與音預。楚子救鄭司馬將中軍子令尹以左子

右尹子辛將右公子過申子反入見申叔時申叔時

師其何如對曰德刑詳義禮信戰之器也器猶用也。詳祥也古字

同有此六事乃可。德以施惠刑以正邪詳以事神義以

建利禮以順時信以守物孔疏釋詁云祥善也李巡曰祥福之善也事神得福乃名為祥是詳用

之以事神也義者宜也物皆得宜利乃生焉故義所以生立利益也禮者履

也其所踐履當適時要故禮所以順時事也言而無信物將散矣故信所以

守奉。民生厚而德正財足則思無邪。此用利而事節動不失利則事

物也成公

得其節。財用有益而每事得節。飢則有食，寒時順而物成。羣生得所

則有衣，其事皆得節矣。此一句覆上義以建利。○政不擾民，時節皆順。春種夏耨，而物得成。此一句覆上禮以順時。上下和睦，周旋不逆。動順求

無不具。下應各知其極。無二故詩曰：立我烝民，莫匪爾

極。烝，眾也。極，中也。詩，頌言先王立其眾民，無不得中正。自上下和睦至

此總論在上德義禮三事以教於下，則在下之人皆無邪惡，以信自守。即包上刑以正邪。是以神降之福，時無災害。此覆上詳以

信以守物二句。疏：民生敦龐，和同以聽。敦，厚也。龐，大也。莫不盡力以從上命。

致死以補其闕。闕，戰死者。此戰之所由克也。今楚內弃其

民，不施而外絕其好。義不建利。外絕其瀆齊盟。不詳而食話

言。信不奸時以動。禮不順時。周四月，今二而疲民以逞。刑不正邪

民不知信，進退罪也。人恤所底，其誰致死。底，至也。○底

上若有信，民之所適。上既無信，不知所從。從前言則違後令，從後令則背前言。人既不知在上之信，其進與退皆得罪也。人人憂其所至，不知己之性命將至

何處其誰肯子其勉之，吾不復見子矣。言其必姚句耳先

歸。子駟問焉，對曰：其行速過險而不整，速則失志

不患不整，喪列志失，列喪將何以戰？楚懼不可用也。

五月，晉師濟河，聞楚師將至，范文子欲反，曰：我偽

逃楚，可以紓憂。紓，緩也。夫合諸侯，非吾所能也。以遺能

者，我若羣臣輯睦以事君，多矣。遺，去聲。武子曰：不可。六

月，晉楚遇於鄢陵，范文子不欲戰，卻至曰：韓之戰

惠公不振旅衆散敗也在箕之役先軫不反命死於狄也在

邲之師荀伯不復從荀林父奔走不復皆晉之恥也子

亦見先君之事矣見先君成今我辟楚又益恥也文

子曰吾先君之亟戰也有故亟數也。亟去吏反。秦狄齊楚皆

彊不盡力子孫將弱今三彊服矣齊秦敵楚而已唯

聖人能內外無患自非聖人外寧必有內憂驕亢則

也蓋釋楚以為外懼乎甲午晦楚晨壓晉軍而陳

夷竈陳於軍中而䟽行首䟽行首者當陳前決開營曰塞井

晉楚唯

天所授何患焉文子執戈逐之曰國之存亡天也

童子何知焉欒書曰楚師輕窵窵勅彫反固壘而待

之三日必退退而擊之必獲勝焉郤至曰楚有六

間不可失也其二卿相惡子重王卒以舊罷老鄭陳而

不整不整蠻軍而不陳蠻夷從楚陳不違晦晦月終陰之盡

在陳而踴踴喧嘩也合而加踴陳合宜靜各顧其後莫

有鬪心人恤其所底舊不必良以犯天忌我必克之楚子

登巢車以望晉軍巢車車上為櫓。巢說文作輶兵車。子重使

大宰伯州犂侍于王後州犂晉伯宗王曰騁而左右何

也聘也曰。召軍吏也。皆聚於中軍矣。曰。合謀也。張慕

矣。曰。虔卜於先君也。虔敬也。慕音莫。徹幕矣。曰。將發命也。

甚蹶且塵上矣。曰。將塞井夷竈而為行也。夷平也。皆乘

矣。左右執兵而下矣。曰。聽誓也。左將帥右軍。右乘去聲。戰乎。曰。未

可知也。乘而左右皆下矣。曰。戰禱也。禱請於鬼神。伯州犂

以公卒告王。公晉侯。苗賁皇在晉侯之側。亦以王卒告

賁皇楚鬪楸子。宣四年奔晉。賁扶去反。皆曰。國士在。且厚。不可當也。晉侯左右皆以伯州犂在

楚和晉之情。且謂楚衆多。故憚合戰。與苗賁皇意異。按皆曰者。賁皇州犂皆為此言也。苗賁皇言於晉侯曰。

楚之良在其中軍。王族而已。請分良以擊其左右。

而三軍萃於王卒也。萃集也。必大敗之。公筮之。史曰。吉。其

卦遇復。三三。震下坤上。復無變。曰。南國蹇射其元。王中厥目。

此卜者辭也。復陽長之卦。陽氣起于南行。推陰故曰南國蹇也。南國勢蹇則離受其咎。離為諸侯。又為目。陽氣激南。飛矢之象。故曰射其元。王中厥目。蹇于六反。射音石。下射之同。國蹇王傷。不敗。何待。公從之。從其言而戰。有淖於

前。淖泥也。淖乃孝反。乃皆左右相違於淖。違辟也。步毅御晉厲公。

欒鍼為右。步毅即欒毅。彭名御楚共王。潘黨為右。石首御

鄭成公。唐苟為右。欒范以其族夾公。行。二族強故在公左右。族者屬也。屬謂中軍。以中

軍夾公也。行音杭。陷於淖。欒書將載晉侯。鍼曰。書退。國

有大任焉。得專之。在君前。故子名其父。大任。謂元帥之職。言國有元帥之大任。何得專意廢之而為御也。且

侵官冒也載公為失官慢也去將而御離局姦也遠其部

局有三罪焉不可犯也乃掀公以出於淖掀舉也

七札焉黨潘廷之子躡聚也一發達七以示王曰君有二臣

如此何憂於戰射子以王怒曰大辱國賤其不詰朝爾

射死藝言女以射自多必當以藝呂錡夢射月中之退入於

泥呂錡魏錡射音石占之曰姬姓日也周世姬異姓月也

必楚王也射而中之退入於泥亦必死矣錡自入

及戰射其王中目王召養由基與之兩矢使射

呂錡中項伏弋弋衣以一矢復命而中卻至三

遇楚子之卒見楚子必下免胄而趨風疾如楚子使

工尹襄問之以弓問遺曰方事之殷也殷盛有韎韐之

跗注君子也韎赤色跗注戎服若袴而屬於跗與袴連韎音妹跗

識見不穀而趨無乃傷乎恐其卻至見客

免胄承命曰君之外臣至從寡君之戎事以君之

靈閒蒙甲胄開猶不敢拜命介者敢告不寧君命之辱

為事之故敢肅使者言君辱命來問以有軍事不得

三肅使者而退晉韓厥從鄭伯從遂其御杜

伊志反指也

成公

三

溷羅曰速從之其御屢顧不在馬可及也韓厥曰  
不可以再辱國君乃止二年蓋戰韓厥已辱齊侯溷戶木反郤至從鄭伯

其右蒯翰胡曰謀輅之余從之乘而俘以下欲遣輕兵單進

以距鄭伯車前而自後登其車以執之。翰音韓謀音牒輅五嫁反乘去聲。孔疏謀軍中反間今謂之細作人此欲令謀迎鄭伯則非一人也。鄭軍亂走輕兵獨出其間亦謀之類故翰胡得以謀言之。郤至曰傷國君有刑亦止石首曰

衛懿公唯不去其旗是以敗於熒乃內旌於弑中

熒戰在閔二年。內去聲。破盛旌之囊也。唐荀謂石首曰子在君側敗者壹大

我不如子子以君免我請止乃死敗者壹大謂軍大崩也言石首亦君之親臣而

執御與車右不同故首當御君以退已當死戰楚師薄於險薄迫也叔山冉謂養由基

曰雖君有命為國故子必射王有死誓命射音石乃射再發盡

殪叔山冉搏人以投中車折軾晉師乃止言二子皆有過人之能

囚楚公子穀為郤至見譖張本欒鍼見子重之旌請曰楚人

謂夫旌子重之麾也彼其子重也日臣之使於楚

也子重問晉國之勇臣對曰好以眾整日又何如

又問其餘。好去聲下同。臣對曰好以暇暇閒也今兩國治戎行人不使

不可謂整臨事而食言不可謂暇食好整也請攝飲焉

攝持也持飲往飲子重公許之使行人執榼承飲造于子重承奉也

臆反曰寡君乏使使鍼御持矛御侍也是以不得犒從者



使某攝飲子重曰夫子嘗與吾言於楚必是故也

不亦識乎知其以往言好暇故致飲。顧氏炎武曰識記也謂其能記往日之言受而飲之免使

者而復鼓免脫也旦而戰見星未已子反命軍吏察夷

傷夷亦傷也補卒乘補死也繕甲兵繕治也展車馬展陳也雞鳴而食唯

命是聽復飲也晉人患之苗賁皇徇曰蒐乘補卒蒐閱也秣

馬利兵秣穀也脩陳固列固堅也。陳去聲蓐食申禱申重也明日復

戰乃逸楚囚逸縱也王聞之召子反謀穀陽豎獻飲於

子反子反醉而不能見穀陽子反內豎也王曰天敗楚也夫余

不可以待乃宵遁晉入楚軍三日穀食楚粟三日也范文子

立於戎馬之前曰君幼諸臣不佞佞才也何以及此君

其戒之戒勿驕周書曰惟命不于常有德之謂周書康誥言勝無常

命惟德是與是與楚師還及瑕瑕楚地。水經注肥水逕山桑縣故城南又東積而為陂謂之瑕陂又東南逕瑕城南春秋楚師還王使謂子反曰先大夫之覆

師徒者君不在謂子玉敗城濮時王不在軍。覆芳服反子無以為過不穀之

罪也子反再拜稽首曰君賜臣死死且不朽正引過亦所以

責子反臣之卒實奔臣之罪也子重使謂子反曰初隕

師徒者而亦聞之矣盍圖之聞子玉自殺終二卿相惡對曰雖微先

大夫有之大夫命側側敵不義言以義命已不敢不受側亡君師

敢忘其死王使止之弗及而卒○戰之日齊國佐

高無咎至于師無咎高固子衛侯出于衛公出于壞隤壞隤魯邑

宣伯通於穆姜穆姜成公母欲去季孟而取

其室季文子孟獻子將行穆姜送公而使逐二子公以晉難

告會晉伐鄭曰請反而聽命姜怒公子偃公子鉏趨過二子公庶弟

指之曰女不可是皆君也言欲廢公更立君公待於壞隤申

宮傲備中敕宮備設守而後行是以後後晉楚戰期使孟獻子守

于公宮○秋會于沙隨謀伐鄭也鄭猶未服宣伯使告郤

犢曰魯侯待于壞隤以待勝者觀晉楚之勝負郤犢將新軍

且為公族大夫以主東諸侯主齊魯之屬取貨于宣伯而

訴公于晉侯訴諸也晉侯不見公

○曹人請于晉曰自我先君宣公即世在三年國人曰

若之何憂猶未弭弭息也既葬國人皆將從子臧所謂憂未息顧氏炎武曰謂君薨大子殺而又

討我寡君前年晉侯執曹伯以亡曹國社稷之鎮公子謂子臧逃奔宋

是大泯曹也泯滅也先君無乃有罪乎言今君無罪而見討得無以先君故若

有罪則君列諸會矣諸侯雖有篡弑之罪侯伯已與之會則不復討前年會于戚曹伯在列盟畢乃執之故曹

君唯不遺德刑遺失也以伯諸侯豈獨遺諸敝邑

敢私布之為曹伯歸不以名告傳伯音霸

○七月公會尹武公及諸侯伐鄭將行姜又命公

如初復欲使公逐季孟公又申守而行諸侯之師次于鄭西

我師次于督揚不敢過鄭督揚鄭東地子叔聲伯使叔孫

豹請逆于晉師豹叔孫僑如弟也僑如於是遂作亂豹因奔齊為食於鄭郊師逆

以至聲伯戒叔孫以必須所逆晉師至乃食聲伯四日不食以待之食使者

使者豹之介而後食言其忠也諸侯遷于制田榮陽宛陵縣東有制澤今制城在開封府新

鄭縣東北知武子佐下軍武子荀瑩以諸侯之師侵陳至于鳴鹿

遷于潁上戊午鄭子罕宵軍之宋齊衛皆失軍將王

陳國武平縣西南有鹿邑今鹿邑縣西南有古鹿邑城屬歸德府遂侵蔡未反侵陳蔡不書公不與諸侯

相失宋衛不書後也

○曹人復讒于晉晉侯謂子臧反吾歸而君以曹人重子臧

故子臧反曹伯歸子臧自宋還子臧盡致其邑與卿而不

出不出仕

○宣伯使告卻擘曰魯之有季孟猶晉之有欒范

也政令於是乎成今其謀曰晉政多門不可從也

政不由君寧事齊楚有亡而已蔑從晉矣蔑無也若欲得志於

魯請止行父而殺之行父季文子也我斃蔑也蔑孟獻子時留守公宮而事

晉蔑有貳矣魯不貳小國必睦不然歸必叛矣九

月晉人執季文子于荅邱公還待于鄆鄆魯西邑東鄆

城今鄆城縣屬山東兗州府濟寧州使子叔聲伯請季孫于晉卻犢曰苟

去仲孫蔑而止季孫行父吾與子國親於公室親魯

晉公對曰僑如之情子必聞之矣聞其淫若去蔑與行

父是大弃魯國而罪寡君也若猶不弃而惠徼周

公之福使寡君得事晉君則夫二人者魯國社稷

之臣也若朝亡之魯必夕亡以魯之密邇仇讎仇讎

楚亡而為讎治之何及言魯屬齊楚則還為晉讎卻犢曰吾為子請

邑對曰嬰齊魯之常隸也隸賤敢介大國以求厚焉

介因承寡君之命以請承奉若得所請吾子之賜多矣

又何求范文子謂欒武子曰季孫於魯相二君矣

二君寔妾不衣帛馬不食粟可不謂忠乎衣信讒慝而

弃忠良若諸侯何子叔嬰齊奉君命無私不受卻謀

國家不貳謂日不食以堅事晉圖其身不忘其君辭邑不食皆先君而後身若虛

其請是弃善人也子其圖之乃許魯平赦季孫冬

十月出叔孫僑如而盟之僑如奔齊諸大夫共盟以僑如為戒十二

月季孫及卻犢盟于扈歸刺公子偃偃與鉏俱為姜所指而獨殺偃偃與謀

名叔孫豹于齊而立之近此七月聲伯使豹請逆於晉聞魯人將討僑如豹乃辟其難先奔齊生二子

而魯乃名之故襄二年豹始見經傳於此因言其終

齊聲孟子通僑如聲孟子齊靈公母宋女使

立於高國之間位比二卿僑如曰不可以再罪奔衛亦間

於卿傳亦終言僑如之伎問去聲

○晉侯使卻至獻楚捷于周與單襄公語驟稱其

伐伐功也單子語諸大夫曰溫季其亡乎溫季卻至位於七人

之下佐新軍位在八而求掩其上稱已之伐掩上功怨之所聚亂之本

也多怨而階亂何以在位怨為亂階夏書曰怨豈在明不

見是圖逸書也不見細微也今書五子之歌將慎其細也今而明之其可

乎言卻至顯稱已功所以明怨答

經十有七年春衛北宮括帥師侵鄭括成公曾孫○夏公

會尹子單子晉侯齊侯宋公衛侯曹伯邾人伐鄭

晉未能服鄭故假天子威周使二卿會之晉為兵主而猶先尹單尊王命也單伯稱子蓋降爵按杜承傳誤以魯之單伯為周大夫故以此單子為降爵非也

六月乙酉同盟于柯陵柯陵鄭西地秋公至自會無傳○

齊高無咎出奔莒○九月辛丑用郊無傳九月郊祭非禮明矣書用郊從

史文○晉侯使荀罃來乞師無傳將伐鄭○冬公會單子晉

侯宋公衛侯曹伯齊人邾人伐鄭鄭猶未服故十有一月

公至自伐鄭無傳壬申公孫嬰齊卒于狸脰十一月無壬申日誤也狸

脰關。狸力之。○十有二月丁巳朔日有食之無傳○邾

春秋傳註卷三

成公

侯

子纓且卒

無傳五同盟。纓俱縛反且子餘反。

○晉殺其大夫卻錡、卻犇、

卻至。○楚人滅舒庸。

傳十七年春王正月鄭子駟侵晉虛滑

虛滑晉二邑滑故滑國為秦所

滅時屬晉後屬周。虛起居反。

衛北宮括救晉侵鄭至于高氏

不書救以侵告高氏

在陽翟縣西南。今河南開封府禹州即陽翟縣。

夏五月鄭太子髡頑侯孺為質於

楚

侯孺鄭大夫孺乃侯反。

楚公子成公子寅戍鄭公會尹武公單

襄公及諸侯伐鄭自戲童至于曲洧

今新汲縣治曲洧城臨洧水。戲許宜反。

洧于軌反。襄九年諸侯盟于戲即戲童也。水經注洧水出浮戲之山。今汜水縣屬開封府。洧今汜川縣亦屬開封府。

○晉范文子反自鄆陵

前年鄆陵戰還。

使其祝宗祈死

祝宗主祭祀祈

禱者。祝太祝宗宗人。

曰君驕侈而克敵是天益其疾也難將作

矣愛我者唯祝我使我速死無及於難范氏之福

也六月戊辰士燮卒

傳言厲公無道故賢臣憂懼因禱自裁。祝之又反。

○乙酉同盟于柯陵尋戚之盟也

戚盟在十五年

○楚子重救鄭師于首止諸侯還

畏楚強

○齊慶克通于聲孟子與婦人蒙衣乘輦而入于

閔

慶克慶封父蒙衣亦為婦人服與婦人相冒闔巷門。

鮑牽見之以告國武子

鮑牽鮑叔牙曾孫

武子名慶克而謂之慶克久不出

慚卧於家夫人所以恠之

而告夫

人曰國子謫我

詢譴責也

夫人怒國子相靈公以會

會伐鄭高

鮑處守

高無咎鮑牽

及還將至閉門而索客

蒐索備姦人

孟子

訴之曰高鮑將不納君而立公子角國子知之

秋七月壬寅別鮑牽而逐高無咎無咎奔莒高弱

以盧叛

弱無咎子盧高氏邑

齊人來召鮑國而立之

國華之弟文子

初鮑

國去鮑氏而來為施孝叔臣施氏卜宰匡句須吉

卜立家宰

施氏之宰有百室之邑與匡句須邑使為

宰以讓鮑國而致邑焉施孝叔曰子實吉對曰能

與忠良吉孰大焉鮑國相施氏忠故齊人取以為

鮑氏後仲尼曰鮑莊子之知不如葵葵猶能衛其

足

葵頰葉向日以蔽其根言鮑牽居亂不能危行言孫○知去聲

○冬諸侯伐鄭

前夏未得志故

十月庚午圍鄭楚公子申救

鄭師于汝上十一月諸侯還

不書圍畏楚救不成圍而還○汝水出河南汝州魯山縣汝上

蓋鄭楚之界也

○初聲伯夢涉洹

洹水出汲郡林慮縣東杜至魏郡長樂縣入清水○洹音桓○今林縣西北林慮山即洹水所

出也屬河南彰德府慮平聲

或與已瓊瑰食之

瓊玉瑰珠也食珠玉令象○瑰古回反含去聲

泣而

為瓊瑰盈其懷

淚下化為珠玉滿其懷

從而歌之曰濟洹之水贈

我以瓊瑰歸乎歸乎瓊瑰盈吾懷乎

從就也夢中為此歌

懼不

敢占也還自鄭壬申至于狸販而占之曰余恐死

故不敢占也。今眾繁而從余，三年矣，無傷也。言之之莫而卒。繁猶多也。傳戒數古夢。

○齊侯使崔杼為大夫，使慶克佐之。帥師圍盧。討高弱。

國佐從諸侯圍鄭，以難請而歸。請於諸侯。難去聲。遂如盧師。

殺慶克以穀叛。疾克淫亂。故殺之。齊侯與之盟于徐關而復。

之十二月，盧降，使國勝告難于晉，待命于清。勝國佐子使以。

高氏難告晉，齊欲討國佐，故留其子於外。清，陽平樂縣。是為明年殺國佐傳。今山東青州府堂邑縣東南有清城。

○晉厲公侈，多外嬖。外嬖，愛幸大夫。反自鄆陵，欲盡去羣大夫而立其左右。終如士嬖。胥童以胥克之廢也，怨卻氏。

童，胥克之子。宣八年，卻缺廢胥克。而嬖於厲公。卻錡奪夷陽五田，五亦

嬖於厲公。卻犢與長魚矯爭田，執而梏之。梏，械也。與其

父母妻子同一轅。繫之車轅。既矯亦嬖於厲公，藥書怨卻

至，以其不從己而敗楚師也，欲廢之。鄆陵戰，藥書欲因盟卻至，言楚有六間以。

取勝也。使楚公子茂告公曰：「此戰也，卻至實名寡君。」鄆陵戰，晉戰也。

囚公子茂以歸。以東師之未至也。齊魯衛之師。與軍帥之不具也。曰：

「此必敗。」荀瑩佐下軍居守，卻犢將新軍，乞師故言不具。吾因奉孫周以事君。孫周，晉襄公曾孫，悼公君楚王也。魯世家云：晉襄公少子捷，不得立，號為桓叔。桓叔生惠伯，談談生悼公周。

公告藥書，書曰：「其有焉，不然，豈其死之不恤而受敵使乎？」謂鄆陵戰時，楚子問卻至以弓。



○使去聲下同

君盍嘗使諸周而察之嘗試也 郤至聘于周 樂書

使孫周見之 公使覘之覘伺也 遂怨郤至 厲公田與

婦人先殺而飲酒 後使大夫殺傳言厲公無道先婦人而後卿佐 郤至奉

豕進之於公 寺人孟張奪之寺人奄上 郤至射而殺之 公曰 季子

欺余季子郤至公反以為郤至奪孟張豕射首石 厲公將作難 胥童曰 必先三

郤族大多怨 去大族不偏不偏公室 敵多怨有庸計多怨者易有功

公曰 然 郤氏聞之 郤錡欲攻公 曰 雖死 君必危 郤

至曰 人所以立信 知勇也 信不叛君 知不害民 勇

不作亂 失茲三者 其誰與我 死而多怨 將安用之

言俱死無用多其死也

君實有臣而殺之 其謂君何 我之有罪 吾

死後矣 若殺不辜 將失其民 欲安得乎言不得安君位 待命

而已 受君之祿 是以聚黨 有黨而爭命爭死 罪孰大

焉傳言郤至無反心 壬午 胥童夷羊五帥甲八百 將攻郤氏

八百人 長魚矯請無用衆 公使清沸魑助之沸魑亦嬖人 抽戈

結衽衽裳 而偽訟者偽與清沸魑訟 三郤將謀於榭榭講武堂 矯以戈

殺駒伯 苦成叔於其位位所坐處也駒伯欲錡苦成叔郤犇 温季曰 逃威也

遂趨郤至本意欲稟君命而死今矯等不以君命而來故欲逃凶賊為害故曰威言可畏也或曰威當為藏 矯及諸其

車 以戈殺之 皆尸諸朝陳其尸於朝 胥童以甲劫樂書中

行偃於朝。矯曰：不殺二子，憂必及君。公曰：一朝而

尸三卿，余不忍益也。對曰：人將忍君，人謂書臣聞亂

在外為姦，在內為軌。軌亦作完御姦以德，德緩遠御軌以刑。

刑治近不施而殺，不可謂德。臣偃而不討，不可謂刑。德

刑不立，姦軌並至。臣請行，遂出奔狄。行去也公使辭於

二子，辭謝書與偃曰：寡人有討於郤氏，郤氏既伏其辜矣。

大夫無辱，其復職位。晉童劫而執之，故云辱皆再拜稽首曰：君討

有罪而免臣於死，君之惠也。二臣雖死，敢忘君德。乃皆歸。公使胥童為卿，公遊于匠麗氏。匠麗氏大夫家樂書

中行偃遂執公焉。召士匄、士匄辭，辭不往召韓厥、韓厥

辭曰：昔吾畜於趙氏，孟姬之讒，吾能違兵。畜養也，違去也。韓厥少為

趙盾所待養，及孟姬之亂，晉將討趙氏，而厥去其兵，示不與黨。言此者，明已無所偏助。孟姬亂在八年。晉語註曰：違其兵，難卒存趙氏。古人

有言曰：殺老牛，莫之敢尸，而况君乎？二三子不能

事君，焉用厥也。尸，主也。

○舒庸人以楚師之敗也，敗於鄢陵，舒庸東夷國道吳人圍巢，伐

駕圍釐，巢，駕釐，楚四邑。今俱在江南廬州府境。遂恃吳而不設備。楚公

子橐師襲舒庸，滅之。

○閏月乙卯晦，樂書中行偃殺胥童。以其劫已故民不與

郤氏胥童道君為亂故皆書曰晉殺其大夫厲公以私欲殺

三郤而三郤死不以無罪書書偃以家怨害胥童而胥童受國討文明郤氏失民胥童道亂宜其為國戮。張氏洽曰郤氏雖多怨厲公不正其有罪無罪而用嬖幸之計一朝殺三卿此春秋所以列書而深罪之也

經十有八年春王正月晉殺其大夫胥童傳在前年經在今春從告

家氏鉉翁曰書偃殺之也。繫之國殺為其有當誅之罪。以弒而不著樂書名氏蓋聖人因舊史作春秋舊史之文或詳或略聖人有所損而不能益慎之至也豈以厲公無道故不稱臣哉

○齊殺其大夫國佐國武子○公如晉○夏楚子鄭伯伐宋宋

魚石復入于彭城傳例曰以惡入也彭城宋邑今彭城縣今江南徐州府○公至自晉

○晉侯使士匄來聘○秋杞伯來朝○八月邾子

來朝○築鹿囿築囿為鹿苑○己丑公薨于路寢○冬楚

人鄭人侵宋子重先遣輕軍侵宋故稱人而不言伐。李氏廉曰。楚鄭皆稱人而書侵晉之勢漸盛而楚之勢漸衰矣○

晉侯使士魴來乞師音房○十有二月仲孫蔑會晉

侯宋公衛侯邾子齊崔杼同盟于虛朶虛朶地闕。虛起居反朶他丁

反。或云虛朶即宋之虛也○丁未葬我君成公

傳十八年春王正月庚申晉樂書中行偃使程滑

弒厲公程滑晉大夫葬之于翼東門之外以車一乘言不以君禮葬

諸侯葬車七乘使荀瑩士魴逆周子于京師而立之周生十

四年矣大夫逆于清原周子曰孤始願不及此雖

及此豈非天乎言有命抑人之求君使出命也立而不

從將安用君二三子用我今日否亦今日共而從

君神之所福也傳言其少有所所以能自固共音恭對曰羣臣之願也敢

不唯命是聽庚午盟而入與諸大夫盟館于伯子同氏晉大夫

館舍也辛巳朝于武宮武宮曲沃始命君逐不臣者七人夷羊五周之屬

子有兄而無慧不能辨菽麥故不可立菽大豆也豆麥殊形易別故以為癡者之稱不慧蓋世所謂白癡

○齊為慶氏之難故前年國佐殺慶克甲申晦齊侯使士華

免以戈殺國佐於內宮之朝華免齊大夫內宮夫人宮孔疏士士官也官掌刑政故使殺

國佐若齊侯名與語而殺之師逃于夫人之宮伏兵內宮恐不勝書曰齊殺其

大夫國佐奔命專殺以弑叛故也國佐本疾淫亂殺慶克齊以是討之嫌其罪不

及死故傳明言其三罪○奔命謂奔會伐鄭之命而先歸使清人殺國勝勝國佐子前年待命于清者國弱

來奔弱勝之弟王湫奔萊湫國佐弟○湫子小友慶封為大夫慶佐為司

寇封佐皆慶克子既齊侯反國弱使嗣國氏禮也佐之罪不

○二月乙酉朔晉悼公即位于朝朝廟五日而即位也厲公殺絕故悼公不以嗣

始命百官始為政施舍已責施恩惠舍勞役止通責逮鰥寡惠及振廢

滯起舊德匡乏困救災患匡亦救也禁淫慝薄賦斂宥罪戾宥寬也

節器用節者也時用民使民以時欲無犯時不縱私欲使魏相士魴魏

春秋左傳卷之三十一 成公

頡趙武為卿相魏錡子鮒士會子頡魏穎子武趙朔子此四人其父祖皆有勞於晉國○相去聲荀家荀會

樂厲韓無忌為公族大夫使訓卿之子弟共儉孝

弟無忌韓使士渥濁為大傅使脩范武子之法渥濁士貞子武

子為景公大傅右行辛為司空使脩士蔦之法辛將右行因以為氏士蔦獻公司空也

弁糾御戎校正屬焉弁糾樂糾也校正字馬官○校戶孝反使訓諸御知義

戎士尚節義荀賓為右司士屬焉司士車右之官使訓勇力之士時

使勇力皆車右也勇力多不順命故訓之以共時之使卿無共御立軍尉以攝之省卿戎御令軍尉攝御而已

○共音恭祁奚為中軍尉羊舌職佐之魏絳為司馬

魏絳子也張老為候奄鐸過寇為上軍尉籍偃為之司馬

便籍談父為上軍司馬使訓卒乘親以聽命相親以聽上命○乘去聲下同程鄭為乘

馬御六駟屬焉使訓羣騶知禮程鄭荀氏別族乘馬御乘車之僕也六駟六開之騶周禮

諸侯有六開馬乘車尚禮容故訓羣騶使知禮凡六官之長皆民譽也大國三卿晉時置六卿為軍帥

故總舉六官則知羣官無非其人○長丁丈反舉不失職官不易方官守其業無相踰易

任武官其用為官各守其業不踰易其方也爵不踰德量德授爵師不陵正旅不偏師

正軍則命卿也師二千五百人之帥也旅五百人之帥也言上下有禮不相陵偏民無謗言所以復霸也

此以上通言悼公所行未必皆在即位之年○復扶又反

○公如晉朝嗣君也

○夏六月鄭伯侵宋及曹門外曹門宋城門遂會楚子伐

城公 三

宋取朝邾。楚子辛鄭皇辰侵城郛，取幽邱，同伐彭

城。朝邾，城郛，幽邱，皆宋邑。朝如字。朝邾當在河南歸德府夏邑縣境，城郛幽邱當在徐州府蕭縣界。納宋魚石，向

為人鱗，朱向帶魚府焉。五子以十五年出奔，楚獨書魚石為帥，告以三百乘，戍

之，而還書曰復入。惡其依阻大國，以兵威還故書復入。凡去其國，國逆而立

之，曰入。謂本無位，紹繼而立。復其位，曰復歸。亦國逆，謂身為戎首，稱兵入伐，言國殄民

謂諸侯以言語告請而納之，有位無位皆曰歸。以惡曰復入。謂身為戎首，稱兵入伐，言國殄民者，此四條所以明外內之援辨。

逆順之辭，通君臣取國有家之大例。宋人患之，西鉏吾曰：何也？西鉏吾，宋大夫。吾音魚。若楚

人與吾同惡，以德於我，吾固事之，也不敢貳矣。惡謂魚石

六國無厭，鄙我猶憾。言一事之則以我為鄙，邑猶恨，足此吾患也。厭，平聲。不然而收

吾憎，使贊其政。謂不同惡，魚石而用之，使佐政。以間吾魯，亦吾患也。今

將崇諸侯之姦，而披其地。崇，長也。謂楚今取彭城以封魚石，披猶分也。間，去聲。以塞

夷庚。夷庚，吳晉往來之要道。楚封魚石於彭城，欲以絕吳晉之道。孔疏：夷平也。詩序云：由庚，萬物得由其道，是以庚為道也。此謂吳晉往來之平

道耳，非山川險難之名。故杜不指其所在，懼攜離也。遲，快也。遲姦而攜服，毒諸侯而懼吳晉。陽吳晉之道，故

必恤之。言宋常事晉，何為顧有此患難。言平日事晉正為今日能恤宋耳，否則何為事之。

○公至自晉，晉范宣子來聘，且拜朝也。拜謝公朝。君子謂

晉於是乎有禮。有卑讓之禮。

○秋，杞桓公來朝，勞公，且問晉故。公以晉君語之。

語其德政杞伯于是驟朝于晉而請為昏為平公不徹樂張本

○七月宋老佐華喜圍彭城老佐卒焉言所以不克彭城

○八月邾宣公來朝即位而來見也

○築鹿囿書不時也非土功時

○已丑公薨于路寢言道也在路寢得君薨之道

○冬十一月楚子重救彭城伐宋使偏師與鄭人侵宋子重為後鎮

華元如晉告急韓獻子為政於是樂書秦韓厥代將中軍曰欲求得

人必先勤之勤恤其急成霸安疆自宋始矣晉侯師于台

谷以救宋台谷地闕台音堂遇楚師於靡角之谷楚師還畏晉強也

靡角宋地

○晉士魴來乞師將救宋季文子問師數於臧武仲武仲

子對曰伐鄭之役知伯實來下軍之佐也知伯荀偃今臧

季亦佐下軍臧季士魴如伐鄭可也伐鄭在十七年事大國無失班

爵而加敬焉禮也從之從武仲言

○十二月孟獻子會于虛打謀救宋也宋人辭諸

侯而請師以圍彭城不敢煩諸侯故但請其師為襄元年圍彭城傳孟獻子請于

諸侯而先歸會葬

○丁未葬我君成公書順也薨于路寢五月而葬國家安靜世適承嗣故曰書順也

春秋左傳杜注卷第十三

春秋左傳杜注卷第十四

華亭姚培謙學

襄公

名午成公子母定姒謚法因事有功曰襄辟土有德曰襄

經元年春王正月公即位無傳於是公年四歲○仲孫蔑會晉欒

黶宋華元衛甯殖曹人莒人邾人滕人薛人圍宋

彭城魯與謀於虛打而書會首稟命霸主非匹敵故○夏晉韓厥帥師伐鄭仲孫

蔑會齊崔杼曹人邾人杞人次于鄆鄆鄭地在陳留襄邑縣東南書次兵不加

鄭次鄆以待晉師○鄆才陵反○秋楚公子壬夫帥師侵宋○九月辛

酉天王崩無傳辛酉九月十五日○邾子來朝○冬衛侯使公孫



剽來聘

剽子叔黑背子

○晉侯使荀瑩來聘

冬者十月初也王崩赴未至皆

未聞喪故各得行朝聘之禮而傳善之

傳元年春己亥圍宋彭城

下有二月則此己亥為正月正月無己亥日誤

非宋地

追書也

成十八年楚取彭城以封魚石故曰非宋地夫子治春秋追書繫之宋

於是為宋討魚石

故稱宋且不得叛人也

登成也不與其專邑叛君故使彭城還繫宋

謂之宋志

稱宋亦以成宋志

彭城降晉晉人以宋五大夫在彭城者歸

寘諸瓠邱

彭城降不書賤略之瓠邱晉地河東東垣縣東南有壺邱五大夫魚石向為人鱗朱向帶魚府瓠邱故反壺邱即今

絳州垣曲縣東南陽壺城也屬山西平陽府

齊人不曾彭城晉人以為討二月

齊犬子光為質於晉

光齊靈公犬子

○夏五月晉韓厥荀偃帥諸侯之師伐鄭入其郛

荀偃不書非元帥賈氏達曰諸侯之師謂宋衛滕薛之師

敗其徒兵於洧上

徒兵步兵洧水出密縣東南至

長平入潁長平城在今西華縣東北屬河南陳州府

於是東諸侯之師次于鄆以待

晉師

齊魯曹邾杞

晉師自鄆以鄆之師侵楚焦夷及陳

於是孟獻

子自鄆先歸不與侵陳楚故不書孔疏獻子先歸傳無其事正以不書侵楚侵陳知其必先歸矣

晉侯衛侯次于戚

以為之援

為韓厥援

○秋楚子辛救鄭侵宋呂留

呂留二縣今屬彭城郡呂縣隋廢留縣唐廢今俱在江南徐

鄭子然侵宋取犬邱

譙國鄆縣東北有犬邱城迂迴疑鄭子旦反

○九月邾子來朝禮也

邾宣公

○冬衛子叔晉知武子

來聘禮也凡諸侯即位小國朝之小事大國聘焉大事

以繼好結信謀事補闕禮之大者也闕猶過也禮以安國家利民人為大

經二年春王正月葬簡王無傳五月而葬也○鄭師伐宋書伐從告

○夏五月庚寅夫人姜氏薨襄公嫡母也○六月庚辰鄭

伯踰卒未與襄同盟而赴以名庚辰七月九日書六月經誤踰古國反○晉師宋師衛甯殖

侵鄭宋雖非卿師重故敘衛上孫氏覺曰晉宋稱師將卑師眾也甯殖書名將尊師少也○秋七月仲孫

蔑會晉荀瑩宋華元衛孫林父曹人邾人于戚○

己丑葬我小君齊姜齊謚也三月而葬速謚法執心克莊曰齊○叔孫豹如宋

豹於此始自齊還為卿○冬仲孫蔑會晉荀瑩齊崔杼宋華元衛

孫林父曹人邾人滕人薛人小邾人于戚遂城虎

牢以偏鄭○楚殺其大夫公子申

傳二年春鄭師侵宋楚令也以彭城故

○齊侯伐萊萊人使正與子賂夙沙衛以索馬牛

皆百匹夙沙衛齊寺人索簡擇好者○索所白反齊師乃還君子是以知齊靈公

之為靈也謚法亂而不損曰靈言謚應其行

○夏齊姜薨初穆姜使擇美楨楨梓之屬○楨古雅反以自為櫬

與頌琴櫬棺也頌琴琴名猶言雅琴皆欲以送終季文子取以葬君子曰非禮

也禮無所逆婦養姑者也虧姑以成婦逆莫大焉

穆姜成公母齊姜詩曰其惟哲人告之話言順德之行

成公婦○養去聲詩曰其惟哲人告之話言順德之行

言知者行事無不順言逆季孫於是為不哲矣且姜氏君

之妣也襄公適母故詩曰為酒為醴烝畀祖妣以洽百

禮降福孔偕詩周頌烝進也畀與也偕徧也言敬事祖妣則

○齊侯使諸姜宗婦來送葬宗婦同姓大夫之婦召萊子

會故晏弱城東陽以偪之為六年滅萊傳東陽齊荒上邑○今

○鄭成公疾子駟請息肩於晉欲辟楚役公曰楚君

以鄭故親集矢於其目謂鄆陵戰晉非異人任寡人也

言楚子任此患不為他人蓋在己○任音壬若背之是弃力與言其誰暱我言盟

言免寡人唯二三子秋七月庚辰鄭伯踰卒於是

子罕當國攝君子駟為政為正子國為司馬晉師侵鄭

齊伐喪非禮諸大夫欲從晉子駟曰官命未改成公未葬嗣君

改不欲違先君意○官命猶言公命

○會于戚謀鄭故也鄭久叛晉孟獻子曰請城虎牢

以偪鄭虎牢舊鄭知武子曰善鄭之會吾子聞崔子

之言今不來矣元年孟獻子與齊崔杼次于鄆崔杼滕薛小邾

之不至皆齊故也二國齊寡君之憂不唯鄭言復憂

齊叛

齊叛

齊叛

齊叛

齊叛

齊叛

齊叛

齊叛

齊叛

將復於寡君而請於齊以城事白晉君而請齊會之欲以觀齊志得請而告吾

子之功也得請謂齊人應命告諸侯會築虎牢若不得請事將在齊將伐齊吾

子之請諸侯之福也城虎牢足以服鄭息征伐豈惟寡君賴之傳言苗蠻能用善謀

○穆叔聘于宋通嗣君也

○冬復會于戚齊崔武子及滕薛小邾之大夫皆

會知武子之言故也武子言事將在齊齊人懼帥小國而會之遂城虎牢鄭人

乃成如孟獻子之謀

○楚公子申為右司馬多受小國之賂以偏子重

子辛偏奪其權勢楚人殺之故書曰楚殺其大夫公子申

言所以致國討之文

經三年春楚公子嬰齊帥師伐吳○公如晉夏四

月壬戌公及晉侯盟于長檮晉侯出其國都與公盟于外檮勅居反○孔疏晉侯與公盟

于長檮蓋近城之地盟訖遷入於晉故公歸書曰公至自晉也悼公謙以待人不敢使國君就已出盟於外若似相就然公至自晉

無傳不以長檮至本非會○六月公會單子晉侯宋公衛侯鄭伯莒

子邾子齊世子光己未同盟于雞澤雞澤在廣平曲梁縣西南周靈王新即位

使王官伯出與諸侯盟以安王室故無識○後漢志曲梁侯國有雞澤今曲梁故城在直隸廣平府東北高氏閻曰此因城虎牢之故鄭服而同盟又諸侯同心病楚而王臣亦與焉故書同張氏洽曰晉悼公始合諸侯尊王室而盟單子與桓公首止蔡邱異矣故書公會單子諸侯己未同盟于雞澤所以譏其儕王官於諸侯俾下同于敵血其事不足乎揚故不再言雞澤而例之於新城同盟之書也陳侯使袁僑如會陳疾

楚政而來屬晉本非召會而自來故言如會 戊寅叔孫豹及諸侯之大夫及陳

袁僑盟 諸侯既盟袁僑乃至故使大夫別與之盟言諸侯之大夫則在雜澤之諸侯也殊袁僑者明諸侯大夫所以盟盟袁僑也據傳盟在

秋長歷推戊寅七月十三日經誤 秋公至自會 傳無 冬晉荀瑩帥師伐

許

傳三年春楚子重伐吳為簡之師 簡選 克鳩茲至于

衡山 鳩茲吳邑在丹陽蕪湖縣東今阜夷也衡山在吳興烏程縣南今

今太平府當塗縣東北 使鄧廖帥組甲三百被練三千 組甲

皆戰備也組甲漆甲成組文被 練此乃別將 吳人要而

擊之獲鄧廖其能免者組甲八十被練三百而已

子重歸既飲至三日吳人伐楚取駕駕良邑也鄧

廖亦楚之良也君子謂子重於是役也所獲不如

所亡 當時 楚人以其咎子重子重病之遂遇心疾而

卒 憂患故 成心疾

○公如晉始朝也 公即位 而朝 夏盟於長檮孟獻子相公

稽首 相儀也稽 首首至地 知武子曰天子在而君辱稽首寡君

懼矣 稽首事天 子之禮 孟獻子曰以敝邑介在東表密邇仇

讎 仇讎謂齊 寡君將君是望敢不稽首 傳言獻子能固事

孟獻子魯之賢大夫尚不知君臣之義以相其君 所謂不知先立乎其大者春秋諸賢之同病也

○晉為鄭服故且欲修吳好鄭服在前年將合諸侯使士

匄告于齊曰寡君使匄以歲之不易不虞之不戒

寡君願與一二兄弟相見不易多難也虞度也戒備也列國之君相謂兄弟易以豉反以

謀不協請君臨之使匄乞盟齊侯欲勿許而難為

不協乃盟於郟外與士匄盟而水名郟音而即時水平地出泉曰郟

○祁奚請老老致仕晉侯問嗣焉嗣續其職者稱解狐其讎也

將立之而卒解狐卒解音蟹又問焉對曰午也可午初於是

羊舌職死矣晉侯曰孰可以代之對曰赤也可赤職之子

於是使祁午為中軍尉羊舌赤佐之各代其父君子謂

祁奚於是能舉善矣稱其讎不為諂立其子不為

比舉其偏不為黨謂婚也偏屬也。比毗志反。孔疏祁奚為中軍尉羊舌職佐之職屬祁奚復舉其子是舉其

也偏屬也商書曰無偏無黨王道蕩蕩商書洪範也蕩蕩平正無私其祁奚

之謂矣解狐得舉未得位故曰得舉祁午得位伯華得官建

一官而三物成一官軍尉物事也能舉善也夫唯善故能舉

其類詩云惟其有之是以似之祁奚有焉詩小雅言唯其有德之人能

者舉似已者也○六月公會單頃公及諸侯己未同盟于雞澤頃

○頃音頃晉侯使荀會逆吳子于淮上吳子不至道遠多難

○楚子辛為令尹，侵欲於小國。陳成公使袁僑如

會，求成。

患楚侵欲，袁僑，濇塗四世孫。

晉侯使和組父告于諸侯。告陳服。秋，叔孫豹及諸侯之大夫及陳袁僑盟。陳請服也。其君不來。

使大夫盟之，匹敵之宜。

○晉侯之弟揚于，亂行於曲梁。

行陳次，行戶郎反。

魏絳戮其

僕。

僕，御也。

晉侯怒，謂羊舌赤曰：「合諸侯以為榮也，揚于

為戮，何辱如之？必殺魏絳，無失也。」對曰：「絳無貳志，

事君不辟難，有罪不逃刑，其將來辭，何辱命焉？」言

終，魏絳至，授僕人書。

僕人，晉侯御僕。

將伏劍，士魴張老止之。

公讀其書曰：「日君乏使，使臣斯司馬。」

斯，此也。

臣聞師衆

以順為武。

順，莫敢違。

軍事有死無犯為敬。

守官行法，雖死不敢有違。

君合諸

侯，臣敢不敬。君師不武，執事不敬，罪莫大焉。臣懼

其死，以及揚于，無所逃罪。

懼自犯不武，不敬之罪。

不能致訓，至於

用鉞。

用鉞，斬揚于之僕。

臣之罪重，敢有不從，以怒君心。

言不敢不從。

請歸死於司寇。

致尸於司寇，使戮之。

公跣而出。

跣，先也。

曰：「寡人之

言親愛也。吾子之討軍禮也，寡人有弟，弗能教訓，

使干大命，寡人之過也。子無重寡人之過。

聽絳死，為重過。

以為請。

請，使無死。

晉侯以魏絳為能以刑佐民矣，反役與

之禮食使佐新軍

羣臣旅會今欲顯絳故特為設禮食。食音嗣。孔疏與之禮食者若公食大夫禮以大夫為

賓公親為之特設禮食

張老為中軍司馬

代魏絳

士富為候奄

代張老士富士會別族

○楚司馬公子何忌侵陳陳叛故也

○許靈公事楚不會于雞澤冬晉知武子帥師伐

許

經四年春王三月己酉陳侯午卒

前年大夫盟雞澤三月無己酉日誤

夏叔孫豹如晉○秋七月戊子夫人妣氏薨

成公妾襄公母

妣妣姓。家氏鉉翁曰前年書夫人姜氏有兩夫人不加昭而義曰見矣

○葬陳成公

無傳

○八月辛

亥葬我小君定妣

無傳定諡也赴同耐姑反突成喪皆以正夫人禮母以子貴踰月而葬速

○冬公

如晉○陳人圍頓

傳四年春楚師為陳叛故猶在繁陽

前年何忌之師侵陳今猶未還繁陽楚地

在汝南銅陽縣南。銅音童。今河南汝寧府新蔡縣北有繁陽亭

韓獻子患之言於朝曰文

王帥殷之叛國以事紂唯知時也

知時未可爭

今我易之

難哉

晉力未能服楚受陳為非時

三月陳成公卒楚人將伐陳聞喪

乃止

軍禮不伐喪

陳人不聽命

不聽楚命

臧武仲聞之曰陳不服

於楚必亡大國行禮焉而不服在大猶有咎而况

小乎夏楚彭名侵陳陳無禮故也

為下陳國頓傳

○穆叔如晉報知武子之聘也

武子聘在元年

晉侯享之金



奏肆夏之三不拜

肆夏樂曲名周禮以鐘鼓奏九夏其二曰肆夏一名樊三曰韶夏一名遏四曰納夏一名渠蓋

擊鐘而奏此三夏曲夏戶雅反工歌文王之三又不拜

工樂人也文王之三大雅之首文王

大明歌鹿鳴之三三拜

小雅之首鹿鳴四牡皇皇者華

韓獻子使行人子

員問之

行人通使之官○貞音云○使去聲下注及文皆同

曰子以君命辱於敝邑先

君之禮藉之以樂以辱吾子

藉薦也

吾子舍其大而重

拜其絀敢問何禮也對曰三夏天子所以享元侯

也使臣弗敢與聞

元侯牧伯○與音預下及與同孔疏牧是州長伯是二伯俱諸侯之長

文王兩

君相見之樂也臣不敢及

及與也文王之三皆稱文王之德受命作周故諸侯會同以相樂

鹿

鳴君所以嘉寡君也敢不拜嘉

晉以叔孫為嘉賓故歌鹿鳴之詩取其我有嘉賓叔孫奉

君命而來嘉叔孫乃所以嘉魯君

四牡君所以勞使臣也敢不重拜

詩言使臣

乘四牡駢駢然行不止勤勞也晉以叔孫來聘故以此勞之○勞去聲

皇皇者華君教使臣曰必

諮於周

皇皇者華君遣使臣之詩言忠臣奉使能光輝君命如華之皇皇然又當諮于忠信以補已不及忠信為周其詩曰周爰諮諏周爰

諮謀周爰諮度周爰諮詢言必於忠信之人諮比四事○諏子須反

臣聞之訪問於善為咨

咨親為詢

問親戚之義

咨禮為度

問禮宜

咨事為諏

問政事

咨難為

謀

問患難

臣獲五善敢不重拜

五善謂諮詢度諏謀○孔疏教之咨人即得一善故并咨為五

○秋定如薨不殯于廟無櫬不虞

櫬親身棺季孫以定如本賤既無器備議其喪

制欲殯不過廟又不反哭

匠慶謂季文子

匠慶魯國大匠

曰子為正卿而小君

之喪不成

謂如季孫所議則為夫人禮不成

不終君也

慢其母是不終事君之道

君長誰

卷之六

受其咎言襄公長初季孫為已樹六檟於蒲圃東門

之外蒲圃塋園名季文子樹檟匠慶請木為定似季孫曰略不以道取

為匠慶用蒲圃之檟季孫不御御止也傳言遂得君子

曰志所謂多行無禮必自及也其是之謂乎

○冬公如晉聽政受貢賦多晉侯享公公請屬郟郟國也

欲得使屬魯如須向顯與之比使助魯出貢賦公時年七歲蓋相者為之言郟今琅邪郟縣今山東兗州府嶧縣東有郟城晉侯不

許孟獻子曰以寡君之密邇於仇讎而願固事君

無失官命晉官微郟無賦於司馬晉司馬又掌為執事朝

夕之命敝邑敝邑褊小闕而為罪闕不寡君是以願

借助焉借助以自助晉侯許之為門年叔孫豹郟

○楚人使頓間陳而侵伐之故陳人圍頓聞聞頓侯

伺音

○無終子嘉父使孟樂如晉無終山戎國名孟樂其使也

縣西有古因魏莊子納虎豹之皮以請和諸戎欲戎與

終子魏晉侯曰戎狄無親而貪不如伐之魏絳曰諸侯

新服陳新來和將觀於我我德則睦否則攜貳勞

師於戎而楚伐陳必弗能救是弃陳也諸華必叛

諸華戎禽獸也獲戎失華無乃不可乎夏訓有之曰

中國

襄公

十一

有窮后羿

夏訓夏書有窮國名后君也羿有窮君之號。水經注窮水出安豐縣窮谷在今江南鳳陽府霍邱縣西。公曰

后羿何如

性其言不次故問之。對曰昔有夏之方衰也后羿自

鉏遷于窮石

因夏民以代夏政。禹孫大康淫放失國夏人立其弟仲康仲康亦微弱仲康卒子相立羿逐伐相號曰有窮鉏本國名。今直隸大名府滑縣東十五里有鉏城。恃其射也。羿善射。不脩民

事而淫于原獸

淫放原野。弃武羅伯因熊髡龙圉。四子皆羿之賢臣。龍其

而用寒浞寒浞伯明氏之讒子弟也

寒國北海平壽縣東有寒亭伯明其君名。浞任角反。寒亭在。今山東萊州府濰縣東北五十里。伯明后寒弃之。孔疏后君也。伯明君此寒國之時棄不收采。夷羿收之。夷氏。信而使之以為己相浞行媚于

內而施賂于外

愚弄其民。欺罔之。而虞羿于田。樂之以遊田。

樹之詐慝以取其國家

樹立也。外內咸服。信也。羿猶不悛

悛改也。將歸自田

羿獵還。家衆殺而亨之以食其子。食其子。

有鬲氏

靡夏遺臣事羿者有鬲國名今平原鬲縣。今山東濟南府德平縣東一里有故鬲城。浞因羿室。就其妃妾。

生澆及豷恃其讒慝詐偽而不德于民使澆用師

滅斟灌及斟尋氏

二國夏同姓諸侯仲康之子后相所依樂安壽尤縣東南有灌亭北海平壽縣東南有斟亭。澆五弔及豷許器反。今斟灌城在山東青州府壽光縣東北四十里斟城在濰縣西南五十里。處澆于過處豷于

國之燼

燼才忍反。燼遺民。以滅浞而立少康。少康夏后相之子。少康滅

澆于過后，杼滅豷于戈。后杼少康子。杼直呂反。有窮由是遂亡，失

人故也。浞因羿室，故不敢改有窮之號。昔周辛甲之為大史也，命百官

官箴王闕。辛甲，周武王大夫，闕過也。使百官各為箴，離戒王過。於虞人之箴，虞人掌田獵。曰：芒

芒禹迹，畫為九州。芒，芒遠貌。畫，分也。經啟九道，啟，開九道也。民有寢

廟，獸有茂草，各有攸處，德用不擾。人神各有所歸，故德不亂。在帝夷

羿，冒于原獸，買，貪也。忘其國恤，而思其麀牡。言念獵。武不可

重。重，猶數也。重直用反，重累之重。用不恢于夏家，羿以好武，雖有夏家而不能恢大之。獸臣

司原，敢告僕夫。獸臣，虞人告僕夫不敢斥尊。虞箴如是，可不懲乎？於

是晉侯好田，故魏絳及之。及后，及也。公曰：然則莫知和我

乎？對曰：和我有五利焉。戎狄荐居，貴貨易土。荐，聚也。易，易猶輕也。

也。易，以鼓反。土可賈焉，一也。賈，音古。邊鄙不聳，民狎其野，穡人

成功，二也。聳，懼狎也。戎狄事晉，四隣振動，諸侯威懷，三

也。以德綏我，師徒不勤，甲兵不頓，四也。頓，壞也。鑿于后

羿，而用德度，以后羿為鑿戒。遠至邇安，五也。君其圖之。公說。

使魏絳盟諸戎，脩民事，田以時。傳言晉侯能用善謀。

○冬十月，邾人莒人伐鄆，臧紇救鄆，侵邾，敗於狐

駘。臧紇，武仲也。鄆，屬魯，故救之。狐駘，邾地。魯國番縣東南有目台亭。紇恨發反。駘，徒來反。番，本又作蕃。狐駘，山今在山東兗州府滕縣東南。

國人逆喪者皆髻，魯於是乎始髻。髻，麻髮也。結也。遭喪者多，故不能備凶服。

二十 襄公

鬢而已。鬢側瓜反結音計國人誦之曰。臧之狐裘。敗我於狐駘。臧紇時服

我君小子。朱儒是使。朱儒朱儒。使我敗於邾。襄公幼弱

故曰小子。臧紇短小。故曰朱儒。敗不書。魯人諱之。朱或作侏。

經五年春。公至自晉。夏。鄭伯使公子發來聘。發。魯公子名。

叔孫豹。鄆世子巫如晉。比魯大夫。故書巫如晉。仲孫蔑。衛孫林。

父會。吳于善道。魯衛俱受命於晉。故不言及吳。先在善道。二大夫往會之。故曰會吳善道地關。阮勝之南兗州記云。時

秋。大雩。楚殺其大夫公子壬夫。貽本吳善道地。今屬江甯。鳳陽府泗州。

公會晉侯。宋公。陳侯。衛侯。鄭伯。曹伯。莒子。邾子。滕子。薛伯。齊世子光。吳人。鄆人。于戚。穆叔使鄆人聽命于會。故書名罪。其貪。

公至自會。無傳。冬。戍陳。諸侯在戚。會皆受命。成陳各還。因遣戍不復在。告命。故。

楚公子貞帥師伐陳。公會晉侯。宋公。衛侯。鄭伯。曹伯。齊世子光。救陳。十有二月。公至自救。

陳傳。無。辛未。季孫行父卒。

五年春。公至自晉。公在晉。既聽屬鄆。聞其見伐。遂命臧紇出救。故傳稱經公至以明之。

王使王叔陳生愬戎于晉。王叔周卿士也。戎陵譏周室。故告愬於盟王。譏白報反。晉

人執之士魴。如京師。言王叔之貳於戎也。王叔反有二心於戎。失奉

使之義。故晉執之。

夏。鄭子國來聘。通嗣君也。鄭僖公初即位。

襄公

初即位

○穆叔覲鄆犬子于晉以成屬鄆覲見也前年請屬鄆故將鄆犬子巫如晉以成

之書曰叔孫豹鄆犬子巫如晉言比諸魯大夫也

○吳子使壽越如晉壽越吳大夫辭不會于雞澤之故三年會雞澤吳不至

且請聽諸侯之好更請會晉人將為之合諸侯

使魯衛先會吳且告會期以其道遠故使魯衛先告期故孟獻子孫

文子會吳于善道二子皆受晉命而行

○秋大雩旱也雩夏祭所以祈甘雨若旱則又脩其禮故雖秋雩非書過也然經與過雩同文是以傳每釋之曰旱也雩

而獲雨故書雩而不書旱

○楚人討陳叛故也討治也曰由令尹子辛實侵欲焉乃

殺之書曰楚殺其大夫公子壬夫貪也君子謂楚

其王於是不刑陳之叛楚罪在子辛其王既不能素明法教陳叛之

討加禮於陳而陳恨彌篤乃怨而歸罪于子辛子辛之貪雖足以取死然其王用刑為失其節故言不刑詩曰周道挺挺

我心疇疇講事不令集人來定逸詩也挺挺正直也疇疇明察也講謀也言謀事不意當

已則無信而殺人以逞不亦難乎共王伐宋封魚

復書曰成允成功石背盟敗于鄆陵殺子反公子申及壬夫八年之中戮殺三卿欲以屬諸侯故君子以為不可

亦後書也允信也言信成然後有成功今大禹謨

○九月丙午盟于戚會吳且命成陳也公及其會而不書盟非公後會

蓋不以盟告廟穆叔以屬鄆為不利使鄆大夫聽命于會鄆  
故欲以為屬國既而與莒有忿曾不能救恐致  
謹責故復乞還之傳言鄆人所以見於戚會

○楚子囊為令尹公子范宣子曰我喪陳矣楚人計

貳而立子囊必改行改子辛所行而疾討陳疾急也陳近於楚

民朝夕急能無往乎有陳非吾事也無之而後可

晉力不能及陳故七年陳侯逃歸冬諸侯成陳備子囊伐陳十一月甲

午會于城棗以救之公及救陳而不及會故不書城棗城棗鄭地陳留酸棗縣西南有棗城懷宇記有南棗

城北棗城在陽武縣北十里今屬河南開封府○季文子卒大夫入斂公在位在阼階西鄉宰庀家器為

葬備庀具也庀婢反無衣帛之妾無食粟之馬無藏金玉

無重器備器備謂珍寶甲兵之物衣去聲君子是以知季文子之忠

於公室也相三君矣而無私積可不謂忠乎積子賜反

經六年春王三月壬午杞伯姑容卒立於僖之二十四年○夏

宋華弱來奔華椒孫○秋葬杞桓公無傳○滕子來朝○

莒人滅鄆○冬叔孫豹如邾○季孫宿如晉行義之子○

十有二月齊侯滅萊書十二月從告

傳六年春杞桓公卒始赴以名同盟故也杞入春秋未嘗書名桓公

三與成同盟故赴以名

春秋左傳注卷四 襄公 六

○宋華弱與樂轡少相狎長相優又相謗也狎親習也優調

戲子蕩怒以弓楛華弱于朝子蕩樂轡也張弓以貫其頸若械之在手故曰楛平公

見之曰司武而楛於朝難以勝矣司武司馬言其懦弱不足以勝敵遂

逐之夏宋華弱來奔司城子罕曰同罪異罰非刑

也專戮於朝罪孰大焉亦逐子蕩子蕩射子罕之

門曰幾日而不我從言我射女門女亦當以不勝任見逐射音石子罕善之如

初言子罕雖見辱不追怒所以得安傅氏遜曰子蕩已出子罕不復追其射門之怨若趙盾之於賈季也

○秋滕成公來朝始朝公也

○莒人滅鄆鄆恃賂也鄆有貢賦之賂在魯恃之而慢莒故滅之

○冬穆叔如邾聘且脩平平四年狐貍戰

○晉人以郟故來討曰何故亡郟郟屬魯恃賂而慢晉不致力輔助無何以亡

晉尋便見滅故晉責魯季武子如晉見且聽命始代父為卿見大國且謝亡郟聽命受罪見音現

○十一月齊侯滅萊萊恃謀也賂風沙衛之謀也事在二年於鄭子

國之來聘也四月晏弱城東陽而遂圍萊子國聘在五年三年

晏弱城東陽至五年四月復託治城因遂圍萊甲寅堙之環城傅於堞堞女牆堙土山也周城為土山

及女牆堙音因環戶關反傳音附及杞桓公卒之月此年三月乙未王湫帥師

及正與子棠人軍齊師王湫故齊人成十八年奔萊正與子棠大夫棠菜邑也北海即墨縣有棠鄉三人帥別邑兵來解圍湫子小反今即墨縣南

齊師大敗之敗湫等丁

八十四有甘棠社即古棠鄉也屬山東萊州府



卷之四十四

未入萊萊共公浮柔奔棠正與子王湫奔莒莒人

殺之四月陳無宇獻萊宗器于襄宮無宇桓子陳完立孫襄宮齊襄公廟

晏弱圍棠十一月丙辰而滅之遷萊于郕遷萊于郕于郕國高

厚崔杼定其田定其疆界高厚高固子

經七年春邾子來朝○夏四月三卜郊不從乃免

牲稱牲既卜日也卜郊又非禮也○汪氏克寬曰公穀啖氏皆以三卜為合禮朱子亦云四卜五卜失禮然春秋四書卜郊惟此年三卜亦書之者蓋三卜雖得禮而卜郊止於三月今書四月而三卜不從則過時不敬以致龜違故書以譏非時而非譏其瀆卜也○小邾子來

朝○城費南遺假事難而城之○費音秘難去聲○秋季孫宿如衛○八月

冬十月衛侯使孫林父來聘壬戌及孫

各無傳為災故書

冬十月衛侯使孫林父來聘壬戌及孫

林父盟○楚公子貞帥師圍陳○十有二月公會

晉侯宋公陳侯衛侯曹伯莒子邾子于鄆謀救陳陳侯逃歸不

成救故不書救也○鄆于軌反○孔疏楚既圍陳而陳侯亦列於會者當是圍之不密故陳侯得出會求救也陳侯逃歸陳遂屬楚諸侯不與楚戰各自罷歸不

成為救故不書救也○鄭伯髡頑如會未見諸侯丙戌卒

于鄆實為子駟所弑以瘡疾赴故不書弑稱名為書卒同盟故也如會會其名於會上

○陳侯逃歸畏楚逃

傳七年春邾子來朝始朝公也

○夏四月三卜郊不從乃免牲孟獻子曰吾乃今

而後知有卜筮夫郊祀后稷以祈農事也郊祀后稷以配天后

卷之四十四

襄公

大

稷周始祖能播殖者是故啓蟄而郊郊而後耕今既耕而卜郊宜其不從也  
啓蟄夏正建寅之月耕謂春分

○南遺為費宰費季氏邑叔仲昭伯為隧正隧正主役徒昭伯叔仲惠伯之孫

欲善季氏而求媚於南遺謂遺請城費使遺請城吾多與

而役故季氏城費傳言祿去公室季氏所以強

○小邾穆公來朝亦始朝公也亦邾子也

○秋季武子如衛報子叔之聘且辭緩報非貳也

子叔聘在元年言國多難故不時報

○冬十月晉韓獻子告老公族穆子有癘疾穆子韓厥長子

成十八年為公族大夫將立之代敬為卿辭曰詩曰豈不夙夜謂行多露

詩言雖欲早夜而行懼多露之濡已義取非禮不可妄行○引言非才不可妄居官位又曰弗躬弗親庶民

弗信詩小雅言議在位者不躬親政事則庶民不奉信其命言已有疾不能躬親政事無忌不才讓其可

乎請立起也無忌穆子名起與田蘇游而曰好仁田蘇晉賢人蘇

言起詩曰靖共爾位好是正直神之聽之介爾景福

靖安也介助也景大也詩小雅言君子當思不出其位求正直之人與之竝立如是則神明順之致大福也恤民為德靖共其位

所以正直為正正己心正曲為直正人曲參和為仁德正直三者備乃為仁如

是則神聽之介福降之立之不亦可乎言起有此三德故可立庚

戌使宣子朝遂老韓厥致仕晉侯謂韓無忌仁使掌公族

大夫為之師長

○衛孫文子來聘且拜武子之言緩報非貳之言而尋孫桓

子之盟盟在成三年公登亦登禮登階臣後君一等叔孫穆子相趨進

曰諸侯之會寡君未嘗後衛君敵體並登今吾子不後寡

君寡君未知所過寡君未知何所過失而致有此不遜吾子其少安安孫

子無辭亦無悛容悛改也穆叔曰孫子必亡為臣而君

過而不悛亡之本也詩曰退食自公委蛇委蛇委蛇順貌必折

詩名南言人臣自公門入私門無不順禮○委於危反蛇以支反謂從者也從順行衡而委蛇必折

衡橫也橫不順道必毀折為十四年林父逐君起本○傅氏遜曰委蛇自得之貌順道則可以自得橫不順道而妄焉自得必毀折矣

○楚子囊圍陳會于鄢以救之平晉會諸侯

○鄭僖公之為太子也於成之十六年魯成公與子罕

適晉不禮焉又與子豐適楚亦不禮焉子豐穆公子及其

元年朝于晉鄭僖元年魯襄三年子豐欲翹諸晉而廢之子罕

止之及將會于鄢子駟相又不禮焉侍者諫不聽

又諫殺之及鄢子駟使賊夜弑僖公而以瘡疾赴

于諸侯傳言經所不書弑簡公生五年奉而立之僖公子○沈氏堯中春秋書

卒四傳皆以為弑將從經乎抑從傳乎吾嘗存傳而不敢背經也然則左氏易據乎羣公子以僖公之死也謀子駟謀必加以不韙之名據此為傳未可也知

○陳人患楚楚圍陳故慶虎慶寅謂楚人曰吾使公子黃

往而執之二慶陳執政大夫公子黃哀公弟○於時楚師圍陳使公子黃往入楚軍也楚人從之為執黃

二慶使告陳侯于會會曰楚人執公子黃矣君若

不來羣臣不忍社稷宗廟懼有二圖皆君陳侯逃歸

鄰會所以不書救

經八年春王正月公如晉○夏葬鄭僖公無○鄭

人侵蔡獲蔡公子燮鄭子國稱人刺其無故侵蔡以生國患燮蔡莊公子○季孫宿會

晉侯鄭伯齊人宋人衛人邾人于邢邱時公在晉晉悼難勞諸侯唯使

大夫聽命季孫在會而公先歸○難去聲○公至自晉無傳○莒人伐我東鄙

○秋九月大雩○冬楚公子貞帥師伐鄭○晉侯使士匄來聘

傳八年春公如晉朝且聽朝聘之數晉悼復脩霸業故朝而稟其多少

○鄭羣公子以僖公之死也謀子駟子駟先之夏

四月庚辰辟殺子狐子熙子侯子丁辟罪也加罪以戮之○先去聲辟婢亦反

孫擊孫惡出奔衛二孫子狐之子

○庚寅鄭子國子耳侵蔡獲蔡司馬公子燮鄭侵蔡欲以求媚於晉子耳子良之子不言敗唯以獲告

鄭人皆喜唯子產不順子產子國子不順眾而喜曰小

國無文德而有武功禍莫大焉楚人來討能勿從

乎從之。晉師必至。晉楚伐鄭。自今鄭國不四五年弗得寧矣。子國怒之曰：爾何知國有大命而有正卿童子言焉。將為戮矣。大命起師行軍之命

○五月甲辰會于邢邱。以命朝聘之數。使諸侯之大夫聽命。季孫宿齊高厚宋向戌衛甯殖邾大夫會之。晉難重煩諸侯故使大夫聽命鄭伯獻捷于會。故親聽命。獻蔡捷也大夫

不書尊晉侯也。晉悼復文襄之業制朝聘之節儉而有禮德義可尊過不以大大敵諸侯之義耳○莒人伐我東鄙。以疆鄙田。莒既滅鄆魯侵其西界故伐魯東鄙以正其封疆

○秋九月大雩。旱也。

○冬。楚子囊伐鄭。討其侵蔡也。子駟子國子耳欲從。楚子孔子蟈子展欲待晉。待晉來救子孔穆公子子蟈子游子子展子罕子。蟈居表反子駟曰：周詩有之曰：俟河之清。人壽幾何。逸詩也言人壽促而河清遲喻晉之不可待兆云：詢多職競作羅。兆下詢謀也職主也言既下且謀多則競作羅網之難無成功也難去聲謀之多族。民之多違。族家也事滋無成。滋益也民急

矣。姑從楚以紓吾民。晉師至。吾又從之。敬共幣帛。以待來者。小國之道也。犧牲玉帛。待於二竟。二竟晉楚界上以待疆者。而庇民焉。寇不為害。民不罷病。不亦可

乎子展曰小所以事大信也小國無信兵亂日至

亡無日矣五會之信謂三年會雞澤五年會戚又會城棗七年會鄆八年會邢邱今將背

之雖楚救我將安用之言失信得楚不足貴親我無成晉親鄭鄙我

是欲楚欲以鄭為鄙不可從也言子駟不可從不如待晉晉君方

明四軍無闕八卿和睦必不棄鄭四軍謂上中下新軍也軍有二卿楚

師遼遠糧食將盡必將速歸何患焉舍之聞之舍之子展

名杖莫如信完守以老楚杖信以待晉不亦可乎

子駟曰詩云謀夫孔多是用不集詩小雅孔甚也集就也言人欲為政是非相亂

而不發言盈庭誰敢執其咎言謀者多若有不善無適受其咎○適丁歷反如匪行

邁謀是用不得于道匪彼也行邁謀於路人請從楚駢也

受其咎駢子駢名乃及楚平使王子伯駢告于晉伯駢鄭大夫曰

君命敝邑脩而車賦傲而師徒以討亂略蔡人不

從敝邑之人不敢寧處悉索敝賦索盡也以討于蔡獲

司馬燮獻于邢邱今楚來討曰女何故稱兵于蔡

也稱舉也焚我郊保郭外曰郊保也馮陵我城郭馮迫也○馮皮冰反敝邑之

衆夫婦男女不遑啓處以相救也遑暇也翦焉傾覆

無所控告翦盡也控引也○覆芴服反民死亡者非其父兄即其子

弟夫人愁痛夫人猶人人也不知所庇民知窮困而受盟于

楚孤也與其二三臣不能禁止孤鄭伯不敢不告知武

子使行人子員對之曰君有楚命見詩亦不使一介

行李告于寡君一介獨使也行李行人也介古賀反而即安于楚君之所

欲也誰敢違君寡君將帥諸侯以見于城下唯君

圖之為明年晉伐鄭傳

○晉范宣子來聘且拜公之辱謝公此春秋告將用師于

鄭公享之宣子賦標有梅標有梅詩召南標落也梅盛極則落詩人以興女色盛則有衰眾士求之

季武子曰誰敢哉言誰敢不從命今譬於草

木寡君在君君之臭味也言同類勸以承命何時之有

遲速無時武子賦角弓角弓詩小雅取其兄弟婚姻無相遠美賓將出武子賦彤弓

君文公獻功于衡雍受彤弓于襄王在僖二十八年我先

藏之以示子孫也先君守官之嗣也敢不承命言已嗣其父祖為先君守官不敢廢命也

君子以為知禮彤弓之義義在晉君故范匄受之所謂知禮

經九年春宋災天火曰災來告故書○夏季孫宿如晉○五月

辛酉夫人姜氏薨成公母○秋八月癸未葬我小君穆

姜無傳四月而葬速○冬公會晉侯宋公衛侯曹伯莒子邾

子滕子薛伯杞伯小邾子齊世子光伐鄭十有二

月己亥同盟下戲

伐鄭而書同盟則鄭受盟可知傳言十有一月

戲評宜反。即成十七年之戲童也。水經注。北水出浮戲之山。今汜水縣屬河南開封府。

○楚子伐鄭

傳九年春宋災樂喜為司城以為政

樂喜子罕也為政卿知將有火災素戒為

備火之政。孔疏宋國之前右師為政卿今言司城為政卿者子罕賢知故特使為政齊用管夷吾魯任叔孫婁皆位卑而執國政也

使伯

氏司里

伯氏宋大夫司里宰。孔疏。使伯氏司此城內諸里之長

火所未至徹小屋塗

大屋

大屋難徹

陳畚揭具緹缶

畚箕籠揭土舉緹汲索缶汲器。畚音本揭九錄反緹古杏反

籠力東反

備水器

盆盥之屬。鑿戶暫反。如輒大口以盛水

量輕重

討人力所任

蓄水

潦積土塗巡丈城繕守備

巡行也丈度也繕治也行度守備之處恐因災有亂。行去聲度待洛反

表火道

火起則從其所趨標

表之。標必遙反

使華臣具

正徒

華臣華元子為司徒正徒役徒也司徒之所主也。孔疏正徒常共官役若今之正丁也

今隧正納郊保

奔火所

隧正官名也五縣為隧納襄邲野。保守之民使隨火所起往救之

使華閱討右官官庀

其司

亦華元子代元為右師討治也忘其也使其官屬

向戌討左亦如之

向戌使樂過

庀刑器亦如之

樂過司寇刑器刑書。恐其為火所焚

使皇鄭命校正出馬

工正出車備甲兵庀武守

皇鄭皇父充石之後按正主馬工正主車使各備其官。鄭音云按戶教

使西鉏吾庀府守

鉏吾大宰也府六官之典。吾音魚。六官之典其事載之於書故使其官守

司宮巷伯徹宮

司宮奄臣巷伯寺人皆掌宮內之事

二師令四鄉正敬享

二師左右師也鄉正鄉大夫享祀也

祝宗用馬于四墉祀盤庚于西門之

外。祝大祝宗宗人墉城也用馬祭于四城以禳火盤庚殷王宋之遠祖城積陰之氣故祀之。凡天災有幣無牲用馬祀盤庚皆非禮

晉侯



宋史卷一百一十五

問於士弱引水滯濁之子莊子曰吾聞之宋災於是乎知有天

道何故問宋何故自對曰古之火正或食於心或食於

味以出內火是故味為鶉火心為大火謂火正之官配食於火星建辰

之月鶉火星昏在南方則令民放火建戌之月大火星伏在日下夜不得見則令民內火禁放火。味音晝內音納心東方宿名也味柳星也柳星南方

朱鳥之宿鳥有喙故名為味在午位為鶉火之心星在卯位為大火之次陶唐氏之火正闕伯居

商邱陶唐堯有天下號闕伯高辛氏之子傳曰遷闕伯於商邱主辰辰大火也今為宋星然則商邱在宋地。爾雅以大火為大辰祀

大火而火紀時焉謂出內火時相土因之故商主大火契孫

商之祖也始代闕伯之後居商邱祀大火。商邱之地屬大火商人閱其禍敗之釁必始於

火是以日知其有天道也闕猶數也商人數所更歷恒多火災宋是殷商之後故知天道之災必火

○日猶言日者謂近日也。顧氏炎武曰相土代闕伯主火星宋其後也世司其占故先知火災公曰可必乎對曰

在道國亂無象不可知也言國無道則災變亦殊故不可必知

○夏季武子如晉報宣子之聘也宣子聘在八年

○穆姜薨於東宮太子宮也穆姜淫僑如欲廢成公故徙居東宮事在成十六年始往而筮

之遇艮之八三三艮下艮上艮周禮人卜掌三易然則雜用連山歸藏周易三易皆以七八為占故言遇艮之八

○姜氏希轍曰撰筮之法遇九為老陽遇六為老陰遇七為少陽遇八為少陰二若變而二少不變穆姜筮得艮卦初三四五上凡五爻皆變惟二得八為

少陰不變故史曰是謂艮之隨三三震下兌上隨火疑占易遇八

曰艮之八也隨其出也史謂隨卦君必速出姜

曰亡亡猶無也是於周易曰隨元亨利貞無咎易筮皆以變者

○亡音無

占遇一爻變義異則論象故姜亦以象為占也史據周易故指言周易以折  
 之。穆姜又引周易隨卦彖辭以折史之姜也撰著之法遇五爻變者當以  
 之卦不變之爻辭占據此當用隨六三係小子失  
 丈夫為斷是則史之對固妄而穆姜亦未為是也 元體之長也亨嘉  
 之會也利義之和也貞事之幹也體仁足以長人  
 嘉德足以合禮利物足以和義貞固足以幹事然  
 故不可誣也是以雖隨無咎 言不誣四德乃遇隨無咎明無  
 四德者則為淫而相隨非吉事  
 今我婦人而與於亂固在下位 婦人卑於丈  
 夫。與音預 而有不仁  
 不可謂元不靖國家不可謂亨作而害身不可謂  
 利弃位而姤 姤淫之別名  
 姤音交反 不可謂貞有四德者隨而無  
 咎我皆無之豈隨也哉我則取惡能無咎乎必死

於此弗得出矣 傳言穆姜  
 辯而不德

○秦景公使士稚乞師于楚將以伐晉楚子許之  
 子囊曰不可當今吾不能與晉爭晉君類能而使

之 時所能  
 雅若曰反 舉不失選 得所選  
 選息戀反 官不易方 方猶  
 宜也 其卿讓

於善 讓勝  
 已者 其大夫不失守 各任  
 其職 其士競於教 秦上  
 命 其庶人

力於農穡 種曰農  
 收曰穡 商工皂隸不知遷業 四民  
 不雜 韓厥老矣

知瑩稟焉以為政 代將  
 中軍 范匄少於中行偃而上之使

佐中軍 使向佐中軍  
 偃將上軍 韓起少於欒黶而欒黶士魴土之

使佐上軍 厭魴讓起起佐上軍  
 厭將下軍魴佐之 魏絳多功以趙武為賢而

吳利不和以美曰

為之佐武新君明臣忠上讓下競尊官相讓當是時也

晉不可敵事之而後可君其圖之王曰吾既許之

矣雖不及晉必將出師秋楚子師于武城以為秦

援秦人侵晉晉饑弗能報也為十年晉

○冬十月諸侯伐鄭鄭從庚午季武子齊崔杼宋皇

鄭從荀罃士匄門于鄆門鄭城門也衛北宮括曹人

邾人從荀偃韓起門于師之梁師之梁亦鄭城滕人薛

人從欒黶士魴門于北門二國從杞人邠人從趙武

魏絳斬行栗二國從新軍行栗表甲戌師于汜衆軍還聚汜汜

道樹。行如字道也。

汜地東汜。汜。

音令於諸侯曰脩器備兵器盛餼糧餼乾食歸老幼

示病居疾于虎牢諸侯已取鄭虎牢故肆眚圍鄭肆緩也眚過也

不成圍久師鄭人恐乃行成與晉中行獻子曰遂圍之以

待楚人之救也而與之戰不然無成獻子荀偃也恐楚

知武子曰許之盟而還師以敝楚人敝能吾三分四

軍分四軍與諸侯之銳以逆來者來者於我未病楚不

能矣晉各一動而楚猶愈於戰勝聚暴骨以逞不可以爭

言爭當以謀不可以大勞未艾君子勞心小人勞力先王

之制也從心也諸侯皆不欲戰乃許鄭成十一月

春秋左傳卷四

襄公

三

已亥同盟于戲鄭服也鄭服故言同盟將盟鄭六卿公子駟

子駟公子發子駟國公子嘉子駟孔公孫輒子駟耳公孫薑子駟子螭公

孫舍之子駟展及其大夫門子皆從鄭伯門子卿之適子從去聲

三族之別以辯親疎其正室皆謂之門子鄭云正室適子也將代父當門者也晉士莊子為載書莊子士

盟曰自今日既盟之後鄭國而不唯晉命是聽而

或有異志者有如此盟如違盟之罰公子駟趨進曰天禍

鄭國使介居二大國之間介猶問也大國不加德音而亂

以要之謂以兵亂之力強要鄭○要平聲下同使其鬼神不獲歆其禋祀其

民人不獲享其土利夫婦辛苦墊隘無所底告墊隘猶塞

頓底至也○墊丁念反底音旨自今日既盟之後鄭國而不唯有禮與

彊可以庇民者是從而敢有異志者亦如之亦如此盟

偃曰改載書子駟亦以所言載於策故欲改之公孫舍之曰昭大神要

言焉要誓以告神若可改也大國亦可叛也知武子謂獻

子曰我實不德而要人以盟豈禮也哉非禮何以

主盟姑盟而退脩德息師而來終必獲鄭何必今

日我之不德民將弃我豈唯鄭若能休和遠人將

至何恃於鄭乃盟而還遂兩用載書

○晉人不得志於鄭以諸侯復伐之十二月癸亥

門其三門

三門郭門師之梁北門也癸亥月五日晉果三分其軍各攻一門

閏月戊寅濟于

陰阪侵鄭

以長歷參校上下此年不得有閏月戊寅戊寅是十二月二十日疑閏月當為閏五日五字上與門合為閏則後學者自

然轉日為月晉人三番四軍更攻鄭門門各五日晉各一攻鄭三受敵欲以苦之癸亥去戊寅十六日以癸亥始攻攻輒五日凡十五日鄭故不服而去明日戊寅濟于陰阪復侵鄭外邑陰阪有津。阪音反次于陰口而還陰口鄭地名子孔曰晉

師可擊也師老而勞且有歸志必大克之子展曰

不可

傳言子展能守信

○公送晉侯晉侯以公宴于河上問公年季武子

對曰會于沙隨之歲寡君以生沙隨在成十六年晉侯曰十

二年矣是謂一終一星終也歲星十二歲而一周天國君十五而

生子冠而生子禮也

冠成人之服故必冠而後生子。冠去聲下同

君可以冠矣

大夫盍為冠具武子對曰君冠必以裸享之禮行

之裸謂灌盞酒也。享祭先君也

以金石之樂節之

以鐘磬為舉動之節

以先君之

祧處之諸侯以始祖之廟為祧

今寡君在行未可具也請及兄弟

之國而假備焉晉侯曰諾公還及衛冠于成公之

廟

成公本衛獻公之曾祖從衛所處

假鐘磬焉禮也

孔疏以晉悼欲速故衛衛廟而假鐘磬其裸享之禮歸

魯乃祭耳

○楚子伐鄭與晉成故子駟將及楚平子孔子矯曰與大

國盟口血未乾而背之可乎子駟子展曰吾盟固

云唯彊是從楚師至晉不我救則楚彊矣盟誓

之言豈敢背之且要盟無質神弗臨也質主也。孔疏晉云唯晉命是

聽鄭云唯彊是從是其無定主也所臨唯信信者言之瑞也瑞符也善之主

也是故臨之神臨之明神不蠲要盟獨潔也。不以要盟為潔背之可也


乃及楚平公子罷戎入盟同盟于中分中分鄭城中里名罷戎楚大夫

音皮楚莊夫人卒共王母王未能定鄭而歸

○晉侯歸謀所以息民魏絳請施舍施恩惠舍勞役輸積聚

以貸輸盡也。積子賜反下同貸他代反自公以下苟有積者盡出之國

無滯積民在亦無困乏不價公無禁利與民共亦無貪民禮讓行



春秋左傳杜注卷第十四

所以幣更不用賓以特牲務崇省器用不作因仍車服從給

足給事也行之期年國乃有節三駕而楚不能與爭三駕三興師謂

十年師于牛首十一年師于向其秋觀兵于鄭東門自是鄭遂服

真和未

